庫全書

子部

欽定四庫全書

自警編卷

員外郎日午稔文覆勘 詳校官中書 臣業元符

校對官中書臣李 荃 總校官進士 日楊懋珩 謄録監生臣任揖文

と・ララ 欽定四庫全書 自警編 提要). L'I 者凡學問類子目三操修類子目十二齊家 類子目四接物類子目七出處類子目五事 編次宋代名臣大儒嘉言懿行之可為法 宗七世孫家南海端平中當知江州其書乃 臣 等謹案自警編九卷宋趙善孫撰善孫太 自禁品 子部十 雜家類五雜纂之屬 則]

鱼ケロルノー 載 非復先尺篤厚之風故獨臚陳舊徳以示 渡而還門户立而黨局生議論繁而實用 其餘多不甄録固由時代相接難于棄取 以宋時士大夫風俗淳厚惟汁都為極盛南 而少變其義例者也善療生南宋之季而 目二共八類五十五目蓋亦仿言行錄之體 名類子目十一政事類子目十一 至靖康而止其後惟朱子議論間為採 捉 一拾遺類 亦

年十月恭校上 失之諸本並同亦姑仍其舊馬乾隆四 十 省覽其財賦門兵門及拾遺一類則并及于 **矣原本各注所引書名今多供脱蓋傅刻者** 壬人檢夫用埀炯戒亦當時士大夫之藥石 限數雖所列率人所習聞而緣析條分便于 總 總暴官臣紀的臣陸錫能療士数 校 官 臣 陸 費 四

多方四库全書

相趙普或諸之曰普山東學究惟能讀論語耳 以告普普自臣實不知書但能讀論語佐 下纔用得 半 趙善琛 以輔性下 撰

銀完四庫全書 胡文定公曰李文靖澹然無欲王沂公儼然不動資禀 李文靖公作相常讀論語或問之公曰流為宰相如論 張忠定公守蜀開寇荣公大拜曰寇準真宰相才也又 宗釋然卒相之 既如此又濟之以學故是八九分比位也 言終身誦之可也 語中節用而愛人使民以時兩句尚未能行聖人之 日於生無福門人李吹怪而問之日人千言而不盡

とこうに とれる 完純仁當日我平生所學惟得忠恕二字一生用不盡 又戒子弟曰人雖至愚責人則明雖有聰明恕己則 以至立朝事君接侍僚友親睦宗族未常須更離也 霍光傅否曰未也更無他語寇公歸取其傅讀之至 不學無術笑曰此張公謂我也 也冠公在歧忠定自蜀還不留既別顧寇公曰曾讀 衣交也冠公兄事之忠定常而祈不少恕雖貴不改 者準一言而盡然仕太早用太速不及學耳張冠布 自弊编

多年四月全書 荣陽日公從安定胡先生於太學與黃公履邢公恕同 學始與程先生蹞俱事胡先生居並舎公少程先生 靚蒔讀辯問又從王公安石學安石以為凡士未官 舍至相友善其後復從派先生復石先生介李先生 昏爾曹但以責人之心責已恕己之心恕人不患不 費利達而已學者不由也公聞之遽棄科舉一意古 而事科舉者為貧也有官矣而復事科舉是僥倖富 到聖賢地位也

當時學者莫能測其深淺也 去枝葉一意涵養直截勁捷以造聖人專慕曾子之 知言為先自得為本躬行為實不尚虚言不為異行 學盡力乎其內者其讀經書平直簡要不為辭說以 見日益廣大然公亦未當專主一說不私一門務客 及横渠張先生載孫公覺李公常皆與公遊由是知 公國實那公恕皆以公故從程氏學而明道先生顏 二歲祭其學問淵源非他人比首以師禮事之楊

范公純仁教子弟曰六經聖人之事也知一字則行 多好四月全書 張魏公在京師獨與趙鼎宋齊愈胡寅為至交寢食行 **学要須造次顛沛必於是則所謂有為者亦若是耳** 豈不在人耶 止未嘗相舎所講論皆前輩問學之力與所以濟時 諫職定以言不用力辭杜門不出公往見至再三開 關延入公問所得於前輩者定告公但當熟讀論語 之策時淵聖皇帝召涪陵處士熊定至京師將處以

伯温問學者如何可以有所得伊川先生曰但将聖人 凡為學之道必須一言一句自求己事如六經語孟中 問處便作己問將聖人答便作今日耳聞自然有得 言語玩味久則自有所得當親求於論語將諸弟子 中便思改之先務躬行非止誦書作文而已 我所未能當勉而行之或我所行未合於六經語盖 孔孟復生不過以此教人耳若能於語孟中深求玩 公自是益潛心於聖人之徵言

飲定四庫全書 張子韶曰如者唐朝事則若身與其中人主情性如何 人有平肯讀書而臨事不近禮義者尹和靖曰便是不 時在朝士大夫孰為君子孰為小人其處事孰為當 謂暗與孫吳合也禮義人心之所同然所以如此 曾讀書人有不讀書而臨事自合禮義和靖曰此所 味將來涵養成甚等氣質 他日臨事必過人矣凡前古可喜可愕之事皆當當 孰為否皆令胸次曉然可以口講指畫則幾會圓熟

讀杜子美詩蘇文則又凝神靜慮如目擊二公如此 及其衰也喪名敗節無所不至矣血氣之不足恃甚 又曰以血氣為我者方其壯也立名立節似若可觀 用心雖生千載之下可以見干載之人矣 之於心以此發之筆下則文章不為空言矣 矣惟學問克己轉血氣為理義則窮而茲堅老而益 又曰朋友講習固天下樂事不幸獨學則當尚友古 人可也故讀論語如對孔門聖賢讀孟子如對孟子

朱氏小學書嘉言篇廣敬篇援顧氏家訓曰夫所以讀 欽定匹庫全書 上祭語録論韓魏公范文正公旨是天資不由講學 惕然慙懼起而行之也未知事君者欲其觀古人之 書學問本欲開心明目利於行耳未知養親者欲其 **觀古人之先意承顏怡聲下氣不憚奶勞以致甘脫** 其有聖人之學則在周公列矣吁可仰哉 壮矣或曰陳仲舉顏魯公不聞有聖人之學也而暮 年之節炳焉不衰如此何也曰此皆有聖人之資使

古人之小心默己盡傲舌存含垢藏疾尊賢容泉於 **欲效之也素驕奢者欲其觀古人之恭儉節用卑以** 職守無侵見危授命不忘誠諫以利社稷則然自念思 然沮喪岩不勝衣也素怯懦者欲其觀古人之達生 明窮邱匱赧然悔恥積而能散也素暴悍者欲其觀 **鄱怯者欲其觀古人之貴義輕財少私寡欲忌盆惡滿** 委命殭毅正直立言必信求福不回勃然奮勵不可 自收禮為教本敬為身基瞿然自失飲容抑志也素

欽定四庫全書 范文正公門下多延賢士如胡安定孫明復石守道之 所知施無不達世人讀書但能言之不能行之武人 恐懼也歷兹以往百行皆然縱不能統務去太甚學之 大凌忽長者輕慢同列人疾之如雠敵惡之如鸱梟 俗吏所共唯抵良由是耳又有讀數十卷書便自高 徒與公從遊畫夜肄業置燈帳中夜分不寢後公貴 如此以學求益今反自損不如無學也 夫人猶收其帳項如墨色時以示諸子孫曰爾父少

范文正公少與劉某同上長白山僧舍修學惟者栗米 安定胡侍講布衣時與孫明復石守道同讀書泰山攻 **告食淡終夜不寢一坐十年不歸得家問見上有平** 年 斷盤十數並館汁半盂入少鹽煖而喝之如此者三 安二字即投之澗中不復展讀 二升作粥一器經宿遂凝乃畫為四塊早晚取二塊

時勤學燈煙迹也

張無垢先生云司馬温公與王介甫清儉康恥孝友文 得王太傅云 同其一以正進其一以街進介甫所學者申韓而文 章為天下學士大夫所宗仰然二公所趣則大有不 器之再傳而得陳瑩中介甫一傳而得吕太尉再傳 而得蔡新州三傳而章丞相四傳而蔡太師五傳而 之門多小人而温公之門多君子温公一 之以六經温公所學者周孔亦文之以六經故介甫 傅而得劉

欽定四庫全書

----張子韶曰管仲不學故有三歸反站之失晏子不學故 **噗巍然兀然岩北斗之經天華嶽之居地也惜夫先** 或處死不亂或精明博治或棋愿端重世皆賠仰衛 光不學故有陰妻邪謀之失是數公者或尊大王室 行無所歸赴自處於不幸之列其可悲也夫 王之道既散聖人之學不明故使夫數公者直情徑 有院衣濯冠之失子産不學故有鑄鼎刑書之失霍 日伊川云以富貴驕人固非美事以學問驕人 ... 自整滴

多分四月全書 荆公皆與明道論事不合因謂明道曰公之學如上壁 言難行也明道日參政之學如捉風及後來逐不附 亦不細此真格言也予聞尹彦明從學於伊川聞見 己者獨不怨明道且曰此人雖未知道亦忠信人也 以制之則樂發而患生矣顯道之言誠可為淺露者 日新謝顯道謂之曰公既有所聞正如服鳥頭尚無 見識

真宗犯汾陰過洛幸吕文穆公第問卿諸子孰可用公 李文正公常期王文正公必為相自小官薦進之公病 ; 甚客文穆公門下一日白公曰某兒子十許歲欲令 宰相才也帝記其言遂至大用先是富鄭公之父貧 對回臣諸子脈犬皆不足用有姪夷簡任顏川推官 召王公勉以自爱既退謂子弟曰此人後日必為太 平宰相然東封西祀亦不能救也 八書院事廷評太祝文穆公見之驚曰此兒他日名 口片的

多定四年全書 祥符末王沂公知制誥朝至日重一日至中書見王文 位與吾相似亟令諸子同學供給甚厚文穆兩入相 防之具所開以告文正曰此人異日與舎人對東釣 正公問君識 ut 日復見文正復問如初沂公曰公前問及此人退 以司徒致仕後鄭公亦兩入相以司徒致仕其知人 人夷簡時為太常博士通判濱州人多稱其才者他 吕夷簡否沂公曰不識也退而訪諸 而

... 王元之之子嘉祐為館職平時若愚騃獨冠菜公知之 **軸沂公曰何以知之曰吾亦不識但以其奏請得之沂** 自濱龍擢提點兩淅刑獄未幾為侍從及丁晉公敗 沂公引為執政卒與沂公並相沂公從容道文正語 許公許公蓋夷簡封國云 公曰奏請何事曰如不稅農器等數事時沂公自侍 已不淺聞文正之言不為信姑應之曰諸既而夷簡 公皆嗟嘆以為非所及其後張公安道得其事於 自察病

喜與之語冠公知開封府一旦問嘉祐曰外人謂劣 建功業澤生民者其君臣相得皆如魚之有水故言 善相則譽望損矣冦公曰何故嘉祐曰自古賢相能 聽計從而功名俱美令丈人貧天下重望相則中外 吾子意何如嘉裕曰以愚觀之丈人不若未為相為 嘉祐所以恐譽至之損也冠公喜起執其手曰元之 有太平之責馬丈人之於明主能岩魚之有水乎此 丈云何嘉祐曰外人皆云丈人旦夕入相冦公曰於

動好四扇全書

杜祁公老居睢陽時蘇公頌為南京留守推官杜公 雖文章冠天下至於深識遠慮殆不能勝吾子也 本末以語公曰以子相知且知子異日必為此官故 遂述自小官以至為侍從宰相所以設施出處先後 至為宰輔還退居畧相似馬 可得而親跡者且自謂平生之所用心人鮮能見之 見深器之每間數日必折簡召當曰如君真所謂不 以告老夫非以自矜也其後公出入中外洊歴清要 自然病

200

寶元中王忠穆公為極客使河西首領趙元昊叛上問 |皇祐至和間司馬公名猶未甚輝赫吕正獻公曰岩君 銀足四月全書 儀曰酸之此行前十年已有人言之公儀曰必術士 肖無貴賤皆知畏而爱之家人未知之前惟麗丞相 實者可謂實過其名也後温公隆名蓋代士無賢不 邊備輔臣皆不能對明日樞密四人皆罷忠穆詢號 與正獻公二人而已 州翰林學士蘇公儀與忠穆善出城見之忠穆謂

とこうえ 權骨不為極輔即邊即或謂公當作相則不然也然 留 遂為之留明日具饌甚簡儉食罷屏左右曰公滿面 河北是時曹穆公自陝西謫官初起為定即予至定 蒐閱人材不然無以應卒予曰四境之事惟公知之 不十年必總極於此時西方當有警公宜預講邊備 治事畢曹穆公謂予曰决事已畢自此當還明日願 己忠穆曰非也皆時為三司鹽鐵副使疏決獄囚至 日欲有所言予既愛其雄材又聞其欲有所言 これず 自警編

患計其時節正在公東政之日公其勉之酸是時殊 來牙市中瑋欲一識之屢使人誘致之不可得乃使 有一子方年十餘歲極諫不已以戰馬資鄰國已是 善畫者圖其貌既至觀之真英物也此子必須為邊 私念之曰此子欲用其人矣是必有異志聞其嘗往 失計今更以貨殼邊人則誰肯為我用者瑋聞其言 何以見教穆公曰瑋在陜西日河西趙徳明常使 以馬博易於中國怒其息俗欲殺之莫可諫止徳明

真宗初即位李文靖公為相王文正公參知政事文靖 李文靖公為相王魏公方參預政事時西北隅尚用兵 **ス・リー・ハー・** 或至旰食魏公嘆曰我輩安能坐致太平得優游無 事耶文靖曰少有憂勤足為警戒他日四方寧諡朝 矣 蒐講墜典靡有暇日魏公始數文請公先識過人遠 廷未必無事其後此狄講和西戎納敖而封岱祠 汾 **乔以為然今知其所畫乃元昊也** 自警骗

慶歷中刼盜張海横行數路將過高郵知軍晁仲約度 若丁謂等所為欲諫則業已同之欲去則上遇之厚 聴文靖曰人主少年當使知四方艱難不然血氣方 不能禦喻軍中富民出金帛具牛酒使人迎勞厚遺 不忍去乃嘆日李文靖真聖人也 日取四方水旱盗贼奏之文正以為細事不足煩上 吾不及見此此參政他日之憂也及文正親見王欽 剛不留意於聲色犬馬則土木甲兵禱祠之事作矣

金月四月在十

ここうこと ここう **誅也今高郵無兵與械雖仲約之義當勉力戰守然** 事有可恕教之非法意也小民之情得醵出財物而免 守者矣間高郵之民疾之欲食其肉不可釋也范公 能守使民蘇錢遺之法所當缺也不缺郡縣無復肯 欲宥之爭於上前富公曰盗賊公行守臣不能戰不 政府富鄭公在極府鄭公議欲誅仲約以正法范公 曰郡縣兵械足以戰守遇賊不禦而反賂之此法所 之海悦逕去不為暴事聞朝廷大怒時范文正公在 自警骗

宗以來未當輕殺臣下此威德事奈何欲輕壞之自 亦未敢自保也富公終不以為然及二公迹不安范 所定也而輕導人主以誅戮臣下他日手滑雖吾輩 吾與公在此同僚之間同心者有幾雖上意亦未知 舉方欲舉法而多方沮之何以整衆范公宏告曰祖 然從之仲約由此免死既而富公愠曰當今患法不 於殺掠理必喜之而云欲食其肉傳者過也仁宗釋 公出按陜西富公出按河北范公因出欲守邊富公

金与山丘石一

治平中夏國遣使至將以十事聞朝廷未知其何事也 太宗真宗常獵於大名之郊賦詩數十篇賈魏公時刻 勸公摹本以進者公曰修之則已安用進為客亦莫 於石韓魏公留守日以其詩藏於班瑞殿既成客有 顧上方銳意四夷事不當導之爾 能寐遠床嘆曰范六丈聖人也 自河北還及國門不許入未測朝廷意此夜傍徨不 喻公意韓絳 來遂進之公聞之嘆曰皆豈不知進耶

祥符中王沂公在掖垣時瑞應沓臻公常請對上語及 多分四月月十二 某事則以某解對辯某事則以某解析犯唯唯而退 答之夏人鋒伏 事第云受命館伴不敢輒及邊事公笑曰豈有止主 及宴使者果及十事凡八事正中公所料祀如所教 飲食而不及他語耶公乃徐料十事以授祝曰彼及 時太常少卿祝語主館伴既受命先見樞府已而見 **丞相韓魏公曰樞客何語曰樞府云岩使人議及十**

火とり事とら ! 大中祥符中天下大蝗真宗使人於野得死蝗以示大 馬知節除極家副使當是時契丹已盟大臣方言符瑞 異日或有災沙則免夫與議退又白於執政及後飛 臣明日他宰相有袖死蝗以進者曰蝗實死矣請示 蝗旱暯公乃亟被擢用馬 兵之意及他爭議甚衆真宗多以公言是之 而公每不然之獨從容極言天下雖安不可忘戰去 之公笑曰斯誠國家承平所感而致然願推而勿居 自警骗

南海蠻商虐其部人部人敖宜州自歸者八百餘人議 争之不能得其後數年蠻果為亂 者以為不可納宜還其部祭文忠公獨以為蠻去殘 事飛蝗敝天真宗顧公曰使百官方賀而蝗如此豈 管今級却之必不復選其部尚散入山谷當為後患 不為天下笑諸公皆謝曰王旦遠識非臣等所及 於朝率百官賀王文正公獨以為不可後數日方奏 酷而歸有徳且以求生宜納之荆湖賜以別田使自

元吴遣使求通已在界上而契丹與元昊有除使來約 昊岩盡如約東則理難拒絕仁宗以書示張公方平 我請拒絕其使時主者欲遂納元昊故有答書曰元 矣是一舉而失二敵 也當賜元昊詔曰朝廷納卿誠 公與宋祁公上議曰書詞如此是拒契丹而納元昊 是始若聽而絕之則中國無復信義永斷招懷之理 得新附之小羌而失久和之强敵也封册元昊而契 丹之使再至能終不聽乎若不聽則契丹之怨必自

とこのほとかり

自警骗

陳忠肅公智明慮遠事無大小必原始要終驗如符契 散契丹遣使為言卿宜審處其事但嫌除朝除則封 敖本縁契丹之請今聞卿招誘契丹邊户失甥舅之 疏之降出者公謂字屬謝聖藻曰此必有姦人圖盖 方赴召命至閼聞有中古令三省繳進前後臣僚章 册莫行矣如此則西北為兩得時人服其精識 何以自明因舉祭京上疏請滅劉摯等家族又妄言 已您而為此謀者若盡進入則異時是非變亂省官

「こうこう」と ここより 徽宗初政欲草紹與之弊以靖國於是大開言路衆議 責造意之人然後發為詔令以禮行之庶幾可無後 携劍入內欲斬王珪等數事謝驚悚即白時军録副 本于省中其後京黨欺誣盖抹之說不能盡行由有 行非細故也今欲正復當先辯明誣問昭雪非辜誅 時在諫省獨以為幽廢母后追貶故相彼皆立名以 皆以瑶華復位司馬温公等叙官為所當先忠肅公 此迹不可冺也 白磐鹹

陳忠肅公在通州張無垢入相欲引公以自助時置政 多けに近る言 奏狀進表以黃帕封緘繳申政典局乞於御前拆或 論而由史局用公也公料其不能成事解以修寫而 患不宜欲速致悔也朝廷以公論久鬱且欲快悦人 典局乃自局中奉旨取公所著尊克集盖将施行所 未發繼日承政典局牒文得古仰州郡催促公乃用 情遽施行之至崇寧間祭京用事悉改建中之政人 乃服公遠慮也

シーラー ショー 堯至而彼已動搖也遠其迹猶恐不免况以書耶繼 謂公當徑申局中而通書廟堂乎公曰恨不得直達 怪何鄧華敢欺罔上下也節為此建中之初公論於 而悉如公言張既罷無公亦有台州之命責詞謂公 行乃置局建官岩自私者人将懷疑而生忌正恐尊 氏弟兄忤古竄顧表公之南遷不以其罪舉天下憤 私送與張商英意要行用于是衆人服公之遠慮而 覽宣復可與書耶彼為宰相有所施為於三省公 自營編

金月四月日書 是已而結發幸竊國柄矯誣先烈怙寵妄作為宗社 姦隱惡未形於事雖位通顯世之人盖莫知其非也 危未可知也聞之者往往甚其言以為京之惡不至 歲卒以窮死初京為翰林學士永肯以解命為職< 惜之無敢言者名隸黨籍餘二十年轉徙道途無寧 禍悉如公言於是人始服公為蓍龜也尚王文公安 石以學行員時望神宗皇帝引祭大政士大夫相慶 公於是時力言京不可用用之必為腹心患宗社安

幾多變更祖宗故事以與利開邊為先務諸公雖悉 後則公之先見於獻可有光矣公因朝會見察京視 於京言之於未用之前獻可於文公論之於既用之 抗章論之雖文正温公猶以為大遽欲獻可姑緩未 日久而不瞬當以語人曰京之精神如此他日必貴 力交及之莫能奪其派毒至於令未珍故温公每謂 于朝謂三代之治可以立致吕獻可公獨以為不然 人口獻可之先見余所不及心誠服之余以謂公之

P. 10 18 1.45 1

自響躺

實儀開實中為翰林學士時趙忠獻王專政帝患之欲 才望之意儀威言普開國勲臣公忠亮直社稷之鎮 所謂射人先射馬擒賊先擒王不得自己也於是攻 無君自肆矣尋居諫省遂攻其惡京聞公言因所親 聞其過一日召儀語及普所為多不法且譽儀早負 然矜其禀赋敢敵太陽吾恐此人得志必擅私逞欲 之愈カ 以自解且致情懇而以甘言啖公公使答之曰杜詩

ここうこ ここう 熙寧二年富文忠公自亳州被劾移判汝州過南京張 帝不悦儀歸言於諸弟張酒引滿語其故曰我必不 崖州之行是其言之驗也 遂祭知政事作相太平與國七年普復入相多遜有 果能相出鎮河陽普之罷甚危賴以熟傷脫禍多遜 盧多遜多遜 常有憾於普不喜其進用遂攻普之短 文定公留守文忠來見坐久之文忠徐曰人固難知 能作宰相然亦不詣朱崖吾門可保矣既而召學士 Ī **有終編**

熙寧問王文公初拜泰知政事神宗方獨精求治一 金以口及自事 紫宸早朝二府奏事頗久日刻既晏例隔登對官于 後殿須上更衣復坐以次贊引時吕獻可公任御史 方平知貢舉或薦介甫有文學宜辟以考校姑從之 素喜荆公至得位亂天下方知其姦云 也文定曰謂王介甫乎亦豈難知也文定曰皇祐間 介甫既來凡一院之事皆欲紛更之方平惡其人檄 以出自此未嘗與之語也文忠倪首有愧色盖文忠 1

缺岩在侍從猶或可容置諸宰相府則天下必受其 通物情輕信難回喜人任己聽其言則美施於用則 為此言耶王安石雖有時名上意所向然執偏見不 之日衆乃喜於得人奈何論之献可正色曰君實亦 文乃新祭也温公愕然曰以介甫之文學行義命下 英閣亦將趨資善堂以侯宣召相遇于路並行而温 中丞將對於崇政而司馬温公為翰林學士侍講週 公家問日今日請對欲言何事獻可舉手曰袖中彈

欽定四庫全書 弊矣温公又諭之曰與公素為心交尚有所懷不敢 有傳其章疏者往往偶語竊議疑其太過未幾間中 顧可緩耶語未竟習門吏抗聲追班乃趨而去温公 苟非其人将敗國事此乃心腹之疾治之惟恐不及 新嗣位富於春秋朝夕所與謀議者二三執政而已 章既願先進呈姑留是事更加籌處可乎獻可曰上 退自默坐玉堂終日思之不得其説既而縉紳問窘 不盡今日之論未見有不善之迹似傷忽遽或別有

韓魏公寄云吳文肅公有識方天下盛推王安石以為 **熟随之於是百姓縣然矣然後前日之議者始恨仰** 嘆服以為不可及而獻可終緣此事出知鄧州 諫從官力爭不能奪州縣監司奉行徴忤其意則譴 妄引周官敝其誅剥之實輔弼大臣抗議不可回臺 任始變更祖宗之法專務聚斂造出條目頒於四方 辟召為僚屬日相與講議於局中以經綸天下為己

書置三司條例司平日文公之門縣進豁設之士悉

韓魏公自長安入難朝廷欲留之公陰知時事遂堅請 銀定匹庫全書 天下以此知非宰相器 相州陛解日上謂卿去誰可屬國者公引元老一 必可致太平唯文肅獨語所知曰王安石心强性狠 此地則不可上又不答公退後有問公何以識之 不可大用其後果如所言 日常請金陵答楊忱 上點然問金陵何如公日為翰林學士則有餘處 W. 書窺其心術只為一身不為

韓魏公上疏論青苗之害上感悟欲罷其法王文公稱 ... 17.11 1 1. 疾求去會拜司馬温公福容副使公上章力解至六 视事青苗法卒不罷公亦卒不受命則以書喻文公 遣人謂公樞容兵事官各有職不當以他事為辭公 言臣未受命則猶侍從也於事無不可言者文公起 七曰上誠能罷置條例司追還提舉官不行青苗助 役等法雖不用臣臣受賜多矣不然終不敢受命上 二往反開喻切至猶幸文公之聽而改也且曰巧言 自警鍋

冠菜公始與丁晉公善害以丁之才薦於李文靖公屢 多写四月月十 尚可以覆王氏者靡不為也由是天下服公之先知 令色解矣仁彼忠信之士於公當路時雖齟語可憎 矣而終未用一日寇公語文靖公曰比屢言謂才而 移何所不至其後六年而惠卿叛文公上書告其罪 言之曰覆王氏者必惠卿也小人本以利合勢傾利 失勢必有賣公以自售者意謂吕恵卿對賓客輒指 後必徐得其力諂諛之人於令誠有順適之快一旦

王文正公常與楊文公評品人物文公曰丁謂久遠果 **靖笑曰他日後悔當思吾言也晚年與冠權罷相軋** 相公終不用豈其才不足用耶抑鄙言不足聽耶文 交互傾奪至有海康之禍始服文靖之識 靖公曰如斯人者才則才兵顧其為人可使之在人 者助之庶得終古若獨當權必為身累後謂果被流 何如對曰才則才矣語道則未他日在上位使有德 上乎冠公曰如謂者相公終能抑之使在人下乎文 ---自學的

銀片四月全書 張忠定公討劉旰兵廻有以賊首級求賞者公曰當奔 趙元昊及有詔削奪在身官爵募能生擒元昊若斬首 窟 突交戰之際豈服獲其首耶此必戰後朝來知復是 言得無損國體乎朝廷方改之已聞有指斥之詞矣 聞之驚曰謀之誤矣立削奏曰前代方鎮叛命如此 者即為節度使仍賜錢萬貫吕文靖公時在大名府 **誥誓則有之矣非所以禦戎狄也萬一反有不遜之**

王文正公為兖州景靈宫朝修使內臣周懷政同行或 こうし 間 罰至當相顧數躍 贼用命者皆中傷被體主帥令付營將理矣公命 乃白事而退後周以事敗方知公遠慮不涉嫌忌之 栗間請見公必俟從者盡至冠帶以出見於堂隍周 异以來先録其功帶首級者次之於是軍情以公賞 誰殿直段倫曰學士果神明也當時随倫為先鋒 -白幣品

或問人之處已當以何為先無垢先生曰操守欲正器 伊川先生云君子知識為本行次之今有人馬力能行 雖然有識見者自別當以識見為先 局欲大識見欲遠三者有一便可立身兼之者極難 知反内不知好惡外不知是非雖有尾生之信曾參 之而識不足以知之則有異端者出彼將流宕而不 **乙孝吾弗貴矣** 器量

金灯四月月十

向文簡公除右僕射麻下日翰學李昌武當對真宗謂 自上即位未皆除端揆自非熟德隆重眷倚殊越何 聞降麻士大夫莫不數慰朝野相慶公但唯唯人曰 殊命也敏中應甚喜對曰臣不知宣麻亦不知敏中 以至此公復唯唯終不測其意又歷陳前世為僕射 往見丞相方謝客門無一人徑入見之徐賀日今日 之曰朕自即位以來未常除僕射今日以命敏中此 何如上日敏中今日門下賀客必多鄉往觀之昌武 自然品

傷哉 寂無一人明日對上問昨日見敏中之意何如乃具 富貴莫能動然有得一官而滿者有得一薦而滿者 宦至宰相亦可謂極榮矣文簡處之若不足以動其 復使人至庖厨中問今日有無親戚賓客飲宴者亦 熟勞徳業之盛禮命之重公亦唯唯卒無一言既退 以所見對上笑曰向敏中大耐官職張九成論曰仕 心其所養為如何後之學者平時高談濶論自以為

動员四月全書

趙忠献王在中書吕正惠公為泰政忠献謂人曰吾常 王沂公前罷祭政日往候故太尉王文正公已疾困辭 言真台輔之器 觀日公奏事得嘉賞未常喜遇抑挫未常懼不形於 讓會靈使與佛上意而進退詳雅詞直氣和了無所 **懒且始被進用而能若是僕在政府幾二十年每進** 弗得見既而顧其壻范令孫再言曰王君介然他日 敷業德望甚大顧余不得見之耳且曰王君昨以避 自警蜗

中書有事闢送客院事礙詔格寇萊公在樞府將以聞 年甚得許大度量公不答又龜山語録云昔王文正 却送與客院吏出白寇公冦公大慙翌日見公曰同 院有事送中書亦違舊詔堂吏得之欣然呈公公曰 對忤意即蹴踏不能自容以是知其偉度矣 吏人行遣他日客院亦倒用了印中書吏人呈覆亦 上以青王旦旦拜謝引谷堂吏皆遭責罰不踰月家 公在中書冠菜公在家院中書偶倒用印冠公須勾

金与四月月十

とうつい しゅう 王太尉薦寇荣公為相寇公數短太尉於上前而太尉 益賢太尉 不問 陛下無所隱益見其忠直此臣所以重準也上由是 者是否曰不是文正曰既是不是不可學他不是更 欲行遣文正問吏人汝等且道客院當初行遣倒用 專稱其長上一日謂太尉曰卿雖稱其美彼談卿惡 太尉曰理固當然臣在相位久政事闕失必多準對 自警婉 芤

韓魏公在大名日有人獻玉盞二隻云耕者入壞塚而 真宗出喜雨詩示二府王文正公袖歸諭同列曰上詩 來公再拜謝曰臣昨日得詩未暇再別有失奏陳不 有一字誤寫莫進入改却王欽岩曰此亦無害欽岩 退客奏之翌日上怒謂公曰昨日詩有誤字何不奏 勝惶懼諸公皆再拜獨極家馬知節不拜具以實奏 得表裏無纖瑕可指亦絕實也公以百金答之尤為 又曰王旦畧不辯真宰相器也上顧公笑

寶玩每開宴召客特設一桌 復以錦衣置玉蓋其上 野笑謂坐客曰凡物之成毀亦自有時數俄顏吏曰 已易其人矣公恐主吏鞭之亟呼視之曰勿易渠 **慢燃公鬚公處以袖塵之而作書如故少項回顧** 公帥定武時夜作書令一侍兵持燭於旁侍兵他 誤也非故也何罪之有坐客皆嘆服公寬厚不已 玉蓋俱碎坐客皆愕然吏且伏地待罪公神色不 日召漕使且将用之酌酒勘坐客俄為一吏誤觸 自藝編

韓魏公器量宏博無所不容自在館閣已有重望於天 金石巴石石電 **辰忽不助已詣公室謂公曰此中習宰相器度耶公** 和顏謝之公為陜西招討時師魯與英公不相得師 拱辰定基時有喧爭公安坐幕中閉試卷如不聞拱 下與同館王拱辰御史葉定基同發解開封府舉人 已解持燭矣軍中感服

納之不形於言遂無事

曾於公處即論英公事英公於公處亦論即魯公旨

元城先生日韓魏公文潞公俱當鎮北門方魏公時朝 とこうし ショー 魏公使前問云汝為長官信否曰當時乘忽實有之 城令决一守把兵士方二下縣悖罵不己令以解府 者潞公震怒問之兵對如實亦判處斬而擲筆以此 見二公之量不同如魏公則彼自犯法吾何怒之有 其投筆方知有異至潞公時復有外鎮解一卒如前 解狀判領赴市曹處斬從容平和略不變色象但見 公日汝為禁兵既差在彼便有階級安可如此即於 自然外 <u></u>

韓魏公謂小人不可求遠三家村中亦有一家當求處 多片四月在書 歐陽永叔在政府時每有人不中理者縣峻折之故人 我而罪在彼鳥用計其如何 皆峻折之也 多怨韓魏公則不然從容諭之以不可之理而已未 則自小矣人有非毀但當反已是不是已是則是在 之之理知其為小人以小人處之更不可校如校之 不惟學術之妙亦天資之過人爾

或問伊川量可學否曰可學進則識進識進則量進曰 韓魏公惟務容小人善惡黑白不大分故小人少忌之 凡人語及其所不平則氣必動色必變解必属惟韓魏 范富歐尹常欲分君子小人故小人忌怨日至朋黨 亦起方諸公斥逐獨公安馬後扶持諸公復起皆公 道尋常事 カセ 公不然更説小人忘恩背義欲傾已處辭和氣平如 自野病

多分四母母書 日文務不喜記人過初祭知政事入朝堂有朝士於羅 王沂公再在大名代陳堯咨既視事府署毀地者即舊 内指之曰是子亦祭政耶文榜伴為不聞而過之其 時之嫌意謂公必反其政發其隱也 不便委曲彌縫悉掩其非及移守洛即陳復為代觀 而華之無所改作什器之損失者完補之如數政有 如韓魏公可學否曰魏公是問氣 之嘆曰王公宜其為宰相我之量弗及已蓋陳以昔

傳獻簡公言李文靖公東釣日有狂生叩馬獻書歷該 其短李遜謝曰俟歸家當得詳覽狂生遂發記怒随 屢求退以主上未賜允終無忤也 能忘固不如不知也時皆服其稚量 不能平悔不窮問文榜曰若一知其姓名則終身不 同列怒令詰其官位姓名文穆遽止之罷朝同列猶 公馬後肆言曰居大位不能康濟天下又不能引退 久妨賢路寧不愧於心乎公但於馬上跟踏再三曰 了各局

或問召榮陽公為小人所置辱當何以處之公曰上馬 多分四月全量 王化基為人寬厚當知某州與僚屬同坐有卒過庭下 吕正献公平生未嘗較由直聞誇未嘗辨也少時書於 是答他却與此人等也如此自處忽心亦自消矣 者知人與己為一何者為詈何者為辱自然無忿怒 座右曰不善加已直為受之盖其初自懲災如此 為化基誓而不及幕職器職怒退召其卒笞之化基 心也下馬者且自思曰我是何等人彼為何等人岩

とこりをこれ 王武恭公善撫士狀貌雄偉動人雖里兒老婦外至夷 色如平時惟不接賓客而已久之道輔卒客謂公曰 能極客出鎮又貶官至随州士皆為之懼公舉止言 **惜朝廷亡一直臣於是言者終身以為愧而士大夫** 此害公者也公愀然曰孔公以職言事豈害我者可 聞之笑曰我不知其欲得一智如此之重也歸或知 之化基無用此智當以與之人皆服其雅量 狄皆知其名氏御史中丞孔道輔等因事以為言乃 自警妈

程氏遺書子言完公堯夫之寬大也皆余過成都公時 屬官喜謂公曰只此一事足以塞其謗請聞於朝公 也公一日訪予疑語予問曰聞中使在此公何暇也 服公為有量 公曰不爾則拘束已而中使果怒以鞭傷傳言者耳 攝即有言公於朝者朝廷遣中使降香峨眉實察之 既不折言者之為非又不奏中使之過也其有量如

閼 ::; 王沂公狀元及第還青州故郡府即聞其歸乃命父老 李翰林其父文正公秉政時避嫌遠勢出入僕馬與寒 娼樂迎於近郊公乃易服栗小騎由他門入先謁守 宰相器也 王博文大器重之曰此人要路在前而治民如此真 士無辨一日中路逢文正公前賜不知其為公子遽 呵辱之是後每見斯人必自隱蔽恐其知而自媤也 白紫銅

傳獻簡公歷臺諫遷三司鹽鐵副使出知江寧坐事落 其官不可以曠職雖祁寒隆暑必躬坐場中治事不 職奪官監衛州黎陽倉草場郡採行縣公同邑官出 迎拜謁甚恭郡守檄邑官代公治出納公不可曰居 守驚日聞公來已遣人奉迎門司未報君至何為抵 真所謂狀元矣以遠大期之 其過也故變姓名許迎者與門司而來謁守嘆曰君 此公曰不才幸忝科第豈敢煩太守父老致迓是重

金月日月月月

傅獻簡公問 **丞相龎公初登第為郡掾會郡守性褊急好责人小** 獨處之自若公曾以疾在告月餘方出例當庭祭偶 **曾令禄屬羅拜庭下而已坐受之衆皆忽恥詈罵公** 唯謹此亦公遠到之量也 是日大雨守命張傘布茅於庭下使公祭拜公拜起 公罷後守反以文移公當價干緡公竭貲且假貸價 守侵用公使錢公寢關

程氏遺書云人有斗筲之量者有鐘鼎之量者有江河 彭公李長始就舉時貧無餘貨惟持金到數隻棲於旅 多年四月全十 失也将去袖剑者揖而舉手到墜於地象服公之量 之量者有天地之量者斗筲之量者固不足等若種 舎同舉者過之東請出到為點客有墜其一於袖間 公視之不言衆莫知也皆為求之公曰數止此非有 物不校如此 之久之鉤改得實公盖未當侵用也公卒不辯其容

限大抵六尺之驅力量只如此雖欲不滿不可得且 聖人之量道也常人之量天資也天資有量者須有 鼎江河者亦已大矣然滿則溢也唯天地之量者無 得而损益的非聖人孰能當之聖人者天地之量也 如人有得一薦而滿者有得一官而滿者有改京官

如磁器物初滿時尚可以散護更滿則必出此天資

之量非知道者也皆王随甚有器量仁廟賜飛白書


1 4 40

而滿者有入兩府而滿者滿雖有先後然卒不免譬

肆者不同其為酒所動一也又如貴公子位益高益 更如大醉後益恭謹者只益恭謹便是動了雖與放 符堅對客圍棋報至不喜及歸折展齒終强不得也 為相有一人求作三路轉運使王簿之出鄙言當時 及因下蜀有功便動了言姜維云云謝安聞謝玄破 人皆驚怪到這裏位高後便動了人之量只如此古 曰王随徳行李淑文章當時以徳行稱名望甚重及 人亦有如此者多如鄧艾位三公年七十處得甚好

銀定四庫全書

有所見卑下者無他亦其識量不足也 動一也然惟知道者量自然宏大不勉强而成今人 **早謙只卑謙便是動了雖與驕傲者不同其為位所**) -自勢的



欽定四庫全書子部

自警編卷二

員外郎日午稔文覆勘 詳校官中書臣葉元符

校對官中書臣李 荃 總校官進士 臣楊懋珩 **腾绿進士臣唐**

之心為之端論邪說之害則曰生於其心害於其政 其放心至論仁義禮 と思うというで 白鹭病 正人心教人存心養性 以則隱羞惡幹讓是非 趙善琢 撰

徐仲車先生平日教學者每以治心養氣四字為先日 金山人口屋 有一 曉乃著書未成而病常曰吾之書大要以正治心以 直養氣而已四方士大夫上謁請見者無虚日先生 得其正然後知性之善益子遇人便道性善云 脩身齊家治國平天下其本只是正心誠意而已心 脩身務學為文之要莫大於此其效甚明其術甚易 論事君則欲格君心之非正君心而國定千變萬化 只說從心上來人能正心則事無足為者矣大學之

明道先生曰大人者不失其亦子之心赤子之心良 心 者以私財遣之使歸先生初從安定胡先生學潛心 君或問修身之要則必曰以正修其身自遠方寄巨 頭客直心亦要直也自此不敢有邪心 力行不復仕進其學以至誠為本自言初見安定先 酬答不倦忘寝與食或問立朝之要則必曰以正輔乎 生退頭容少偏安定屬聲云頭容直積因自思不獨 軸請教者乃大書一正字與之諸生有逾年不省侍 自學編

多分四月在書 其外難矣 大者則其小者不能奪如使忽慢恐懼好樂憂患 樂未發謂之中其謂此數此心自正不待人正而後 動虚明純一與天地相似與神明為一傳曰喜怒哀 也天之所以降東民之所以受天地之中也寂然不 奪其良心則視聴食息從而失守欲區區脩身以正 正而賢者能勿喪不為物欲之所遷動如衡之平不 加以物如鑑之明不厳以垢乃所謂正也惟先立其

... 晦卷先生曰人之一心浩然虚明如鑑之空如衡之平 感而應好強俯仰因物賦形者亦其用之所不能無 其正之有哉惟其事物之來有所不察應之既或不 不滞正大光明是乃所以為天下之達道亦何不得 者也故其未感之時至虚至靜所謂鑑空衡平之體 雖思神有不得窺其際者鹵無失之可議及其感物 之際而所應者又皆中節則其鑑空衡平之用派行 以為一身之主者固其真體之本然而喜怒爱懼隨 自此的

所使而無不合於理如其不然則身在於此而心馳 有所聽命以供其心而其動靜語點出入起居唯吾 然後乃為得其正也惟是此心之靈既曰一身之主 乎中者而此心之用始有不得其正者耳傳者之意 於彼血肉之躯無所管攝其不為仰面貪看鳥回頭 尚得其正而無不在是則耳目鼻口四肢百骸莫不 固非以心之應物便為不得其正而必如稿木死灰 能無失且又不能不與俱往則其喜怒憂懼必有動

到牙四月在書

こううし 氣聽命於心者聖賢也心聽命於氣者衆人也凡氣之 或問有忿慢恐懼好樂憂患心不得其正是無此數者 **鉛應人者幾希矣孔子所謂操則存舎則亡益子所** 謂求其放心從其大體者盖旨謂此學者可不深念 在人迎則肆勞則怠樂則騎憂則懶生則盈死則 而屢省之哉 心乃正乎伊川曰非是要無只是不以此動其心學 者未到不動處須是執持其志 . . . 自警站

多分四月全書 氣變則心為之變有不能自覺馬志者氣之帥也今 之帥而吾心志之盛衰惟氣之為聽則心者氣之役 前而曾子之心未嘗變也自勞自逸自變自樂自死 文王之心未當變也避席之時易質之際死生變於 之心未皆變也美里之囚虞尚之朝憂樂變於前而 不為氣所移歷山之耕南風之琴勞災變於前而舜 也聖賢君子以心御氣而不為氣所御以心移氣而 心随氣變是師不能令而氣及為之師矣氣反為志

或問子能無心乎过叟曰不能若夫回心則庶幾矣何 謂回心曰去惡而從善拾非而從是人或知之而不 堂楚師伐嚴爾之隨將受兵而心荡馬蓋楚武初未 **嘗知治心之理所恃者血氣之剛爾平時臨敵而心** 中國雖臨大敵其心初不為之湯也追其季年以堂 不荡馬非真能不動氣方剛也死期将至血氣既荡 自生吾心曷常不自若哉楚武王自憑侮諸夏兵行 心安得不從之而荡乎 自學編

多定四月全書 或問如何斯可以安心李樂庵曰樂則安若早夜戚戚 亦終 境則執我而丧志惟智者處之以無心故窮亦樂通 境一也世之味者方居順境則逐物而失身追遭逆 樂通亦樂未有其心不樂而能安之也又云逆順之 我而已如轉戶極何難之有 然以得失崇辱為慮雖一日亦不得安矣古人窮亦 能徙以為如制悍馬如斡磻石之難也靜而思之在

20. 3 ... 1.1. 或曰正心於此安得天下便平治曰正心一事只人未 **嘗深知之若深知而體之自有其效觀後世治天下** 卒不逮王文正召晦叔司馬君實諸人者以其所為 使恐懼好樂憂患一毫少差即不得其正自非聖人 皆未嘗識此然此亦惟聖人方做得徹盖心有所忽 天下專講求法度如彼修身之潔宜足以化民矣然 不如聖人之效著耳觀王氏之學盖未造乎此其治 必有不正處然有意乎此者隨其淺深必有見效但 白譽病

趙康靖公厚徳長者口未當言人短中歲常置黃黑二 荣陽吕公嘗說攻其惡無攻人之惡盖自攻其惡日夜 多岁四月有量 他人耶 豆於几案問自旦數之每與一善念則投一黄豆與 誠意故也明道常日有關雖麟趾之意然後可以行 周官之法度盖深達乎此 且自檢點絲毫不盡即不慊於心矣豈有工夫點檢 檢身

趙清獻公平生日所為事夜必衣冠焚香拜手告於天 晁無各言司馬温公有言吾無過人者但平生所為未 **喾有不可對人言者耳** 意不可告者則不敢為也 强於為善亦要在造次之間每自防檢此與趙清獻 公焚香日告其所行之事於上帝同也 久反之既謝事歸南京一念不與遂徹豆無可數人 惡念則投一黑豆暮發視之初黑豆多於黄豆漸

張子韶曰予謫嶺下居無與遊憂過之不聞學之不進 范文正公司吾遇夜就寝即自計一日食飲奉養之費 富鄭公韓魏公歐公温公余襄公邵堯夫二蘇梁況 熟寐或不然則終夕不能安眠明日必求所以稱之 也乃於書室中置夫子顏子像適有淵明曲江菜公 及所為之事果自奉之費與所為之事相稱則鼾鼻 之王彦霖范淳夫鄭志全劉器之襲彦和陳瑩中

銀定四庫全書

吕正献公平生未皆與人較曲直聞誇未嘗辯也少時 左右晨朝瞻敬心志肅然其所得多矣有一毫愧心 子舍屛風 書於座右曰不善加己直為受之盖其初自懲史也 其見諸人也岩市朝之撻矣 曾直秦少游晁無谷張文潛諸畫像乃環列於夫子 如此至和中手書東漢延為與李文德書於座右古 人詩好衣不近節士體梁穀似怕腹中書書兩句於 自警漏

張子韶云富鄭公年、 畢文簡公端方沈雅有清識所至以嚴正稱然性謙退 鄒侍郎曰聖人之道備於六經千門萬戶何從而入大 金岩四月全量 城在公尚然況他人乎 **常謂人口僕仕官無赫赫之譽但力自規檢無幾家** 過耳 自家一念從何處起即點檢不放過便見工力 要在中庸一 一篇其要在謹獨而已但於十二時中看 y 十書座右曰守口如瓶防意如

范侍郎育作庫官随行箱龍只置廳事以防疑謗凡若 家順語録云薄於修人事而厚於青天報者舉世皆是 張無垢曰用明於內者見已之週用明於外者見人之 有盛待制名濤者當有語云士大夫行已正如室女常 過見己之過者視天下皆勝己也見人之過者視天 使造物何以厭其欲 下皆不如己也此智愚所以分與 須置身在法度中不得受人指點

賈內翰以狀元及第歸節州范文正公為守內翰謝文 程氏遺書云李邦直云不與之謂誠便以不與為誠徐 王沂公嘗語曰昔楊文公有言人之操履無若誠實吾 多好四群全書 每欽佩斯言尚執之不渝夷險可以一致 誠也或以問先生先生曰無妄之謂誠不欺其次矣 仲車云不息之謂誠中庸言至誠無息非以無息解 此類皆守官所宜詳知也 誠實

晏元獻公為童子時張文節薦之於朝召至闕下適值 杜正獻公嘗謂門生曰凡士君子作事行己當履中道 唯不欺二字可終身行之內翰拜其言不忘每語人 不宜矯節橋飾過實則近於偽 曰吾得於范文正者平生用之不盡也嗚呼得文正 公二字者足以為一代之名臣矣 正日某晚進偶得科第願受教文正曰君不憂不顯

たこりを とろう

白髻螨

御試進士便令公就武公一見試題曰臣十日前已作

官官忽自中批除晏殊執政其喻所因次日進覆上 諭曰近聞館問臣寮無不嬉遊與賞彌日繼夕惟殊 命得對上面諭除授之意公語言質野對曰臣非不 杜門與兄弟讀書如此謹厚正可為東宫官公既受 各為熊集以至市樓酒肆往往皆供明 天下無事許臣寮擇勝熊飲當時侍從文館士大夫 此賦草尚在乞別命題上極爱其不隱及為館職時 公實以貧甚不能出惟家居與昆弟講習一 日選東

司馬温公恭儉勤禮出於天性自以為適不勉而能與 樂燕遊者直以貧無可為之具臣若有錢亦須往耳 能奮然有為超絕古今居洛十五年岩將終身馬 其細行雖不可遽數然本於至誠無欲天下信之故 用 其誠心終始如一將殁而猶不忘祖禹觀公大節與 二兒公為心交以直道相與以忠告相益凡皆如此 一益嘉其誠實知事君體眷注日深仁宗時卒至大 þ

金与四届全書 神宗即位首擢司馬温公為翰林學士公力解不許上 舒揚雄兼之卿有文學何辭為公曰臣不能為四六 面諭公古之君子或學而不文或文而不學惟董仲 起而功被天下内之嬰童婦女外之蠻夷戎狄莫不 能舉進士取高等而云不能四六何也公趨出上遣 敬其徳服其名唯至誠故也 内臣至閤門强公受點拜而不受趣公入謝曰上坐 上曰如兩漢制詔可也公曰本朝故事不可上曰卿

司馬温公除知制誥辭至八九乃改天章閣待制兼侍 夷豈可使假手答書啓者為之耶若尚貪榮利强顔 藩徒使其言迂僻鄙俚不益世用雖親傷書啓不免 於不甚工頗慕作古文又不能刻意致力闚前修之 講按文集公有上龎丞相啓云光於屬文性分素潦 假手於人令知制語之職掌為天子作詔文宣布華 又懶為之當應舉時强作科場文字雖僅能牽合終 以待公公入至廷中以誥置懷中不得已乃受 白藝病

劉敬前後拜官未當輔讓唯初拜侍讀及諫議解之其 元城先生父開府與司馬温公為同年契因遂從學於 多分四月全書 温公熙寧六年舉進士不就選徑歸洛温公曰何為 華也以是觀之光之不受知制詰出於赤誠非飾讓 不仕公以漆雕開斯未能信之語對温公説後從學 誠心以謂所不宜處則不欲茍受之非以邀名也 也但不為朝廷及世人所諒耳 為之不惟取一身沒齒之羞亦非所以增朝廷之光

. . . . 裏相應遇事坦然常有餘裕調洺州司法參軍時吳 者數年一日遊席問盡心行已之要可以終身行之 有人告司户鹹汙如何公對不知吳不悅明日閱視 守禮為河北轉運使嚴明守法官吏畏之其一日問 妄語始初甚易之及退而自隳括日之所言自相掣 肘矛盾者多矣力行七年而後成自此言行一致表 者温公曰其誠乎吾平生力行之未皆須史離也故 立朝行己俯仰無愧爾公問行之何先温公曰自不

又道護録云安世平生只是一筒誠字更撲不破誠是 笑曰只為有此驅殼故假思以通之耳及其成功 自快日司户實有贓而吾不以誠告吾其違温公之 然言不必信此而後可 教乎後因讀楊子云君子避礙通諸理而後意方釋 倉庫召司户者謂曰人訴爾有贓本來按爾今劉司 天道思誠是人道天人無兩箇道理因舉左手顧之 法言爾無之姑去於是衆方知公長者然公心常不

多定四库全書

不城先生云安世尋常未當服樂方遷謫時年四十有 いる力畢竟不是只有質誠字縱横妙用無處不通 以 自是速今未常有一日之疾亦無宵寐之**變陳忠** 其疾之憂如何得無疾祇有絕欲一事遂樂意絕 先她必欲與俱百端懇能不許安世念不幸使老 杜門獨立其樂無窮任怎生也動安世不得 一安世自從十五歲以後便知有這简道也曾事 八於炎瘴之地已是不孝岩非義固不敢為父母

白鹭蝇

客有至六七盌終身未當草書歲時家廟祭饗拜跪 蒯子孫一皆本之以誠故心嘗前知兩月前自覺必 七十有二木嘗廢闕此祖先相傳安世終身由之以 每日行干步與坐調息復起觀書未當畫寢吸茶件 不寐望朝精神如故平生坐必端已未當傾側靠倚 **具絕欲心不動故能爾公曰然公曰安世自絕欲來** 公曰公平生學術以誠入無往而非誠凡絕欲是 一年無血意思只如當時終日接士友劇談雖夜

韓魏公因論君子小人之際皆當以誠待之但知其小 韓魏公器量過人性渾厚不為畦畛峭輕功盖天下位 行相與反覆考究表裏皆合無一不相應 室與家人言一出於誠門人或從公數十年記公言 偽飾其語言其行事進立於朝與士大夫語退息於 累卵不見其憂怡然有常未常為事物選動平生無 冠人臣不見其喜任莫大之責蹈不測之禍身危於 有變異果長子不禄故至誠如神聖人豈吾欺哉

韓魏公晚與歐陽永叔相知而相親最深永叔心服公 多近四庫全書 知無他琦以誠而已公知永叔不以繫辭為孔子書 未當形於色也又遺事云人有疑公待君子小人皆 如随分數處之耳豈可以為小人不待以誠耶 明以破之公獨不然明足以照小人之欺然每受之 以誠往往為小人所欺奈何公曰不然亦觀其人 之德量常曰累百歐陽修何敢望韓公公曰永叔相 則淺與之接耳凡人至於小人欺己處覺必露其 . • 何

PLEDIE LIE 安定言行録云了翁嘗問徐先生佛氏有悟門儒者有 積之悟門也 定先生學先生脱高二侍姬諸弟子其見一日因延 言及也 見侍子否何以告之安定曰莫安排積由是有得此 食中堂二女子侍側食已積請於安定曰門人或問 之否先生日有之問先生之悟門云何日積普從安 又多不以文中子為可取中書相會累年未當與之 自舉編

明道先生之學以誠為本仰觀乎天清明穹窿日月之 窮披扶判然智中天下之事雖萬變交於前而燭之 持載山川之融結草木之蕃殖所以然者誠而已人 今而不自以為得至於六經之奧義百家之異說研 才而不自以為足行貫神明而不自以為異識照古 得聖人之誠者也才周萬物而不自以為高學際三 居天地之中参合無間純亦不已者其在兹乎先生 運行陰陽之變化所以然者誠而已俯察乎地廣博

舜三代帝王之治其所以包涵博大悠遠織悉上下 之要靡不究知其吏事操决文法簿書又皆精寂詳 與天地同派下至行師用兵戰陣之法皆造其極外 生身益退位益卑名益高於天下盖其所知上極堯 動其心非所得之深所養之厚能至是乎邢恕謂先 不失毫釐權之不失輕重貧賤富貴死生皆不足以 之夷狄情状山川道路之險易邊鄙防戍斥堠控帶

こうこ

練而所有不試其萬一又不究於高年此有志之士

印整的

太祖事世宗於澶州曹彬為世宗親吏掌茶酒太祖皆 或問簿佐令者也簿所欲為令或不從奈何先生曰當 金与四四全書 從求酒彬曰此官酒不敢相與自沽酒以飲太祖及 若能以事父兄之道事之過則歸己善則惟恐不歸 於令積此誠意豈有不動得人 所以慟哭而流涕也 以誠意動之今令與簿不和只是私意令是邑之長 位語羣臣曰世宗德吏不欺其主者獨曹彬耳由

C. ... O mot 2, stro 冠菜公年十九舉進士時太宗取人多問其年年少者 仁宗在東官魯肅簡公為諭徳其居側有酒肆號仁和 是委以腹心 肆中飲歸中使遽先入白乃與公約曰上岩怪公來 召公将有所問使者及門而公不在移時乃自仁和 酒有名於京師公易服徽行飲於其中一日真宗急 **遂當託何事以對公曰但以實告中使曰然則當得** 往往罷遣或教公增年公曰吾初進取可欺君耶 白學編

胡文恭公執政時詳議官闕判院者當擇人薦於上公 罪公曰飲酒人之常情欺君臣子之大罪也中使嗟 彈然自此奇公以為忠實大可用後章獻果用之 市人亦無識臣者真宗笑曰卿為宫臣恐為御史所 噗而去真宗果問中使 具如公對真宗問公何故私 與同列得二人此二人才智明法無上下一人者監 如歸適有鄉里親客自遠來遂與之飲然臣既易服 入酒家公謝曰臣家貧無器四酒肆百物具備賓至

ここうし ここう 陳聽上自擇耳同列驚曰某從公久乃不知公所存 主今白首矣不忍絲髮數君以喪生平之節為之開 彼得與不得一詳議官耳是固亦有命也宿以誠事 惜仁宗曰果得才小累何惜遂除詳議官同列退訴 公曰詳議欲得人公固欲白上緣是不得奈何公曰 以累才公不可至上前悉白之且曰此人小累才足 河北以水災虧部同列議回虧部小失不足白上 自禁病

真宗東封泰山車駕發京師上及從官皆蘇食封禪禮 陳也肅公雖閉居容止常莊言不皆發雖盛暑見子孫 問也 雖未嘗不正衣冠一日當與家人語家人戲問是實 道與臣同次舎無不私食肉者於是旦等皆再拜曰 **畢上勞宰臣王旦等曰卿等久食疏不易旦等皆再** 否公退自責者累日宣吾常有欺於人耶何為有此 拜馬知節獨進言號食者唯陛下一人耳王旦等在

金公四居在量

とこうと 太后修景徳寺成詔蔡文忠公為記而宦者羅崇勲主 真宗新棄天下天子諒陰不言丁晉公用事專權欲邀 致蔡文忠公許以知制語公拒不往已而冦荣公王 於此豈宜為權臣所帶得罪非吾懼也既而晉公敗 誠如知節之言 士嘗為其用者皆恐懼獨公終無所屈 文康公旨以不附連點公歸嘆曰吾受先帝之知至 操守 1.1. 自警骗

章獻太后臨朝內侍省都知江德元權個天下其弟德 金号巴尼 人 營寺事使人陰謂公曰善為記當得祭知政事公故 當今無比榮枯大臣如反掌耳而使者精銳復不在 奉使者無所加益僚佐皆曰江使者之兄居中用事 遲之頗久使者數趣終不以進崇勲踏於太后 畏其禍乎及曰及待江使者不敢慢亦不敢過如是 明奉使遇杭州時李及知杭州待之一如常時中人 人下明公待之禮無加者意者明公雖不求福獨不

孔中丞所至官治數以爭職不阿或武或遷而公持一 節以終身盖未當自訟也其在兖州也近臣有歌詩 求一小郡以自處而久居餘杭繁劇之地豈能辨耶 老矣誠能小郡以自逸何傷待之如前一無所加既 足矣又何加馬既而德明謂像佐曰李公高年何不 僚佐走告及曰果然使者之言甚可懼也及笑曰及 百篇者執政請除龍圖閣直學士上曰是詩雖多不 而德明亦不能傷也時人服其操守 りたあ

彭尚書平生好學喜問樂聞其過自任以聖賢之重而 是又度公且不得久居中而公果出 廷事知無不言言不行必爭爭而不得必求去人始 君推賢揚善則奉奉孜孜常若不及故自處顯於朝 於貧富貴賤利害得喪一不以累其心至於憂國爱 而宰相使人説公稍折節以待遷公乃告以不能於 如孔道輔一言乃以公為龍圖閣直學士於是人度 公為上所思且不久於外矣未幾果復召以為中丞

多好四犀生書

熙寧三年王安石新用事方變法令傅獻簡公以母喪 哲宗嗣位宣仁太后垂簾聴政用司馬温公吕申公為 來已議以待制諫院奉還矣公謝曰恩甚厚但恐與 為好異或以為近名 服除至京師安石素善公謂公曰舉朝紛紛今幸公 宰相士多随時自劾曾文昭公獨挺然不為世變所 移由是諸公益賢之知其有常徳也 /--/ 自然病

而駭中而疑卒而信則曰名節之士也忌之者則以

劉元城先生先是建中年問公與蘇文忠公自衛外同 郵戶四屆百十 官至宣和問以益大用以太傅直庵思殿參政三省 厚默知其説因攜二公所跋詩謁之梁甚悅奏之以 梁師成得幸自謂文忠遺腹子與一二故家稍稍親 歸道出金陵時有吏人吳點者以詩贄二公文忠稱 之跋數語於詩後公亦題其末以勉其學是後內侍 大怒乃以為直昭文館權同判派內銓 公所謂新法者相妨耳且為言新法之不善者安石

王尚書左丞極寬厚儀状偉然平居恂恂不為說激之 岩為子孫計則不至是矣且吾廢斥幾三十年未嘗 乃還其書而不答人皆為公危之而公自岩也 有一點墨與當朝權貴吾欲為元祐全人不可破戒 改名可為正使師成令可自京師來宋欲鉤致公引 極客院事贵震一時雖祭京童貫皆出其下是時點 以來之意大縣以諸孫未仕為言以動公公謝曰吾 以大用且以書抵公可至三日然後敢出之且道所

陳文惠公居官不妄進取為太常丞者十三年不遷為 髮起家以至大耋思事五世而所持一心屢更變故 取公曰唯久然後見吾守如是十五年今天子即位 公益用事專威福故人子弟以公久於外多勉以進 而所守一道 公常曰並馳萬馬中能駐足者其王尚書乎故自束 行至有所守確不可奪議論平恕無所向背司馬温 起居郎者七年不運自議錢塘堤為丁晉公所點後晉

多年四月全書

王内翰元之咸平初脩太祖實録與宰相論不合又以 田諫議動必以禮言必有法賢不肖咸憚伏之出處二 吕吉甫祭政事使其親友謂蘇公丞相曰子容吾鄉里 **丈人行岩從吾言執政可得也公笑而不答** 晉公事敗公乃召用 誇青落職出知黄州作三點賦以見志其卒章曰屈 十年未常趙權貴之門在貶廢中樂得其正晏如也 于身而不屈于道兮雖百滴其何虧吾當守正直而 自藝病

章獻太后臨朝有詔補一軍吏王武恭公曰補軍吏政 王內翰性剛狷數件權貴宦官尤為惡之上累命執政 多分四月全重 事無為太后喪坐甲又不奉詔於是天子以公可任 召至中書戒諭之元之終不能改 佩仁義兮惟終身而行之 奉詔乃止及太后上仙有司請衛士坐甲公以為故 敢挾詔書以干吾軍並請罷之太后固欲與之公不 大事

慶思初上歐西兵久出而民弊鱼用富鄭公韓魏公及 澤者每以杜衍不可告之而止者多於所封還也其 **陽修曰外人知杜衍封還內降耶吾居禁中有求恩** 助我多矣此外人及杜衍皆不知也然公與三人者 面還之或詰責其人至慙恨涕泣而去上常問諫官歐 范文正公三人者遂欲盡革衆事以修紀綱而小人 權幸皆不悅獨杜祁公與相佐佑而公尤抑絕僥倖 凡内降與恩澤者一切不與每積至十數則連封而 白蕉品

曾中書公自為小官至在朝廷挺立無所附遠迹權貴 多定四库全書 程文簡公罷政則官起守北京與宦者皇甫繼明爭治 繼明屈為難云 故不少假也故議者不以公所直為難而以能不為 明是時繼明方信用其勢傾動中外自朝廷大臣莫 卒皆以此罷去 行宫事章交上上遣一御史視其曲直直公遂罷繼 不屈意下之公被中傷方起未復而獨與之爭雖小

... 元城先生因言及東坡先生曰士大夫只看立朝大節 時知名士往往坐刺譏辭語廢逐公於慮患防微絕 繇是愛公者少為編校書籍積九年自求補外轉徙 以其故莫能中傷公亦不為之動也 于是時既與任事者不合而小人乗間又欲擠之一 六州更十餘年人皆為公歉然而公處之自若也公 如何岩大節一 人遠甚政事弛張操縱雖出於己而未嘗廢法自用 自整湖

太祖下滁州世宗命竇儀籍其希藏至數日太祖遣親 有不合處非隨時上下人也 臣稱儀有守 既有籍即為官物非詔肯不可得也後太祖屢對心 更取藏絹儀曰公初下城雖傾藏取之誰敢言者今 容於元豐人欲殺之在元祐則雖與老先生議論亦 朝大節極可觀才意高廣惟己之是信在元豐則不 推其善用兵知大名十餘年有

多分四月月十

太保 為趙普後世子孫必有登三公者已而魏公旦果為 請以百口保之太祖不樂徙枯知襄州彦卿竟亦無 授肯徑使上道祜到察知其妄但得彦卿家僮二人 他祜後創居第于曹門外手植三槐於庭曰吾雖不 挾勢恣横以便宜决配而已驛召問因力為辯曰臣 之家訪其事、我日得實吾當以趙普所居官命汝面

告其謀叛者並徙之鳳翔而以王晉公祜為代且委

尚書李公風度凝遠與人有恩意而遇事强毅不為皆 杜正獻公常戒門生曰天下惟浙人福急易動柔儒之 多片四月全書 憨他日樹立當為鄉曲之顯切勿少枉為時上下也 累於上前執奏不移人始信之及曰杜行如是莫非 立行自在幕府至於監司人尚不信及為三司副使 合初善王荆公荆公當國冀其助而武之乃力於他 兩浙生否其輕吾黨也如此觀子識慮高遠志尚端 荆公皆遣客諭意曰所爭者國事盍少存朋友之

ACIDIN LILI 秦槍既外交仇讐罔上自肆惡嫉正論諱言兵事自以 義公曰大義滅親况朋友乎自守益確士論以此歸 所按驗且以官爵誘之東信造公見其居不過中人 樓上不以為然槍遣朝士吳秉信以使事至湖南有 常産可辨不覺嘆息乃容以檜意告公而歸具奏其 為時已太平日為浮文侈靡愚弄天下獨思張忠獻 公中必万俟尚希檜古論公卜宅替凝至做五鳳建 自警编 Ē

夏公敦復知衛州發姦頑伏吏畏民爱公以母老欲朝 監察御史施廷臣推侍御史太府寺还莫将賜出身起 多少正月月 官職不能動也 遷官則在他人某惟有去耳泰語人云張子公守正 寶槍默東信十六年 素厚公命樓韶問疾許直翰死公曰今日進退在我 拜起居即皆上書迎合者翻黄下吏部張公惠執奏 曰故事遷除未有如此之驟力舐兩人引疾卧家秦

: ; 論事則出解吐氣明目張膽不畏强樂不避權要當 老愈辣請勿復言公平居靜默似不能言者及立朝 楊之惡則抑之在朝莫不敬畏方槍在位附之者立 時将相大臣如吕趙張秦韓楊輩皆無所何附善則 公怒曰吾終不以身計而悮國家况吾薑桂之性到 之人啗公以利曰公若能曲從其議兩地旦夕可至 之初公力抵屈己之非是執政患其不附已使腹心 夕侍左右明年丐祠授提舉亳州明道宫方議和

多只四月全書 黄公中在王府時龍大湖已親幸他教授或與過從觞 詠公獨未皆與之坐朝夕見則揖而退其後他教授 養至剛至大有不可屈者安能若是乎 官吏請以聞公不答則陰畫以獻宰相召長貳詰之 多蒙其力而公獨不從官為司業時芝草生武成廟 聞者皆為公危之公處之裕如神色不動非氣之所 劉光世對換田産與夫論施廷臣等不合附會泰氏 取顯貴公獨立不與交秦雖欲屈致不可得當其辯

買文元公戒子孫文云古人重厚朴直乃能立功立事 陳校書郎兼普安恩平郡王府教授上曰卿乃朕自擢 享悠久之福士人所貴節行為大軒晃失之有時而 秦槍日薦士曾無一言及御以此知卿不附權貴真 簡當惜不使為諫諍官也 其畫曰治世何用此為周退謂人曰黄公之言精切 曰治世之瑞抑而不奏何也祭酒周公館未對公指 天子門生也

韓魏公常言保初節易保晚節難在北門九日熊諸曹 孔嗣宗任河北憲司農召議役法别韓魏公請言公不 衆人不敢道意思足矣嗣宗臨上馬又曰富貴易得 詩有曰莫羞老圃秋容淡要看寒花晚節香李彦平 復來節行失之終身不可得矣搢紳以為名言 深敬此語當大書於壁以為晚節之規 名節難保嗣宗歸不懌者數日終不能自克 答請益堅公曰故傷不當無言此行但為河北說此

多好四月全書

王文正公真賢相也天書封禪等事公不敢爭議者少 种放常見陳圖南曰子他日必白衣諫議然名者古今 知士大夫有名節易全名節難 有物敗之子其戒哉放之晚節果如圖南之言以此 献天書上以問王旦旦曰始不信天書者準也今天 不信天書上益跡菜公最後知京兆府都監朱能復 之為天書使常邑邑不樂是時冠菜公出為外官又 之美器造物者深忌之天地間無全名子名將起必

宋元獻公初執政遇事朝分別是非可否用是斥退及 杜正獻公為相祭君謨孫之翰為諫官屢乞出於是祭 |敏定四庫全書 書降準所當今準上之百姓將大服而懷疑者不敢 再登用遂沈浮偷安云 事天禧三年也 政而荣公壻王曙居中與懷政善勸荣公與能合荣 不信也上從之使中貴人逼準朱能素事宦官周懷 公始不肯曙固要公公亦因此復為中書侍郎平章

一寇菜公之贬雷州也丁謂遣中使齎動往授之以錦 且仍傷上可之退書聖語時陳恭公為執政不肯書 除福州之翰安州正獻云諫官無故出終非美事之 獻當侯明日審奏不當逐焚其書也正獻言始在西 日吾初不聞正獻懼逐焚之由此遂罷相議者謂正 因言君臣之間能全始終者盖難也 府時上每訪以中書事及為相中書事亦不以訪公 定力). A. ...

とこうえ

自警鍋

陳忠肅公謫台州所過州郡皆令兵甲防送至台郡數 **客有問矣** 到人放得兒 岩使人謂之曰朝廷岩賜準死願見動書中使不得 所以來之故不答上下皆皇恐不知所為公神色自 遣郡官出迎之中使避不見入傳舎中久之不出問 貯劍揭於馬前既至公方與郡官宴飲驛吏言次公 至膝拜受於庭升皆復宴飲至暮而罷幸迪為王仲 已乃以勅授之公乃從録事參軍借緑衫著之短纔

金り口匠と

南停祭下用事所以欲殺劉元城者至矣故方竄廣東 官突來約束不得令出入取責鄰人防守状置選卒 怖應有不測公安之不為所撓城亦終不能為害 朝廷取索尊堯副本而城為此以相迫骨耳繼又幽 巡察未幾攝公至郡郡庭垂簾如制獄大陳欲具盖 弘咸謂将有處分於公也城至楊言怖公次日遣兵 月朝廷起遷人石悈知州事且令赴闕之官士論該 公於僧舎使小吏監守對榻坐卧窟辱百端人情憂

金分四犀生書 宣非安世有後命乎客曰聞朝廷遣使入郡将不利 日薦上殿改秩除本路轉運判官其人雅取馳驅至 忽有所厚士類數革至殷勤之餘輛相向垂涕公曰 於公願公自裁無辱公不為動貶所有土豪緣進納 海往來人謂必死七年之間未嘗一日病及貶海州 則移廣西既抵廣西復徙廣東凡甲令所載稱遠惡 州軍無所不至雖盛夏所在州軍監督日行一舍或泛 入仕持厚資入京師直以能殺公意達惇見之不數

九七八年八年 息如雷忽聞鐘掛上下端口何太早也問之乃運判 身後事而公起居飲食如平常夜半何公則酣寝鼻 數以為不可及也俄報運使拒郡城三十餘里而止 翌日當至家人聞之益號泣不食亦不能寐且治公 閱之皆經紀其家與同段當死者之家事甚恐容號 酒談笑自若對客取筆書數紙徐呼其僕日聞朝廷 賜我死死即死依此行之謂客曰死不難矣客取紙 公妖所先遣其客來勘公治後事公色不動留客飲 自警躺 夷

元城先生曰士大夫知攜多勸扁舟東下窮山水之勝 安有清冷處乎安世世食君禄又嘗備法從緩急自 論新法不可以治郡得請歸洛時劇冠王充聚黨數 知死所何避之有以此泰然未皆經意告温公自陜 且以遠屛自全者余謝之曰萬一擾擾如一鼎之沸 十横行太行中先人出两驛延勞之云今日且喜公 公未可知公亦無喜色 公一夕嘔血而斃矣明日有客唁者云若人不死則

唐質肅公為御史因張克佐以姪女有龍於仁宗縣除 宣徽節度景靈郡牧使唐公力爭不已上怒詳見諫 濤汎濫舟人恐不免飼魚鼈公乙坐舟中吟詩云聖 貶公英州別駕公之南遷挈家渡淮至中流大風波! 吾輩平日學道以忠孝為質有死而已夫復何懼固 歸某前甚憂之岩此冦知公有人望萬一刼公東來 知君子涉世自處固有素矣 以之動民奈何公笑而不答再問之則云此何足問 自磐鍋 i i

日滎陽公晚年習靜雖騰恐顛沛未皆少動自歷陽赴 日正也公使高麗遇風濤牆折舟人大恐公恬然讀書 岩在齊閣中 宋非狂楚清淮異汨羅平生仗忠信今日任風波乡 單守過山陽渡橋橋壞轎人俱墜浮於水而公安坐 章樞寂察方知縣事心甚重公一日與公同坐遽峻 轎上神色不動從者有溺死者於照學初監陳留稅 濟南岸泉亦欣然 1371 老二

李清臣平日多於韓魏公前論釋氏貴定力謂無定則 韓持國罷門下侍郎出即南陽已出國門程子往見之 試爾 辭色折公以事公不為動章嘆曰公誠有徳者我聊 不能主善公每然之後朝廷斤異論者清臣頗持两 端公因書問之曰此來臺閣斤逐紛紛吾親得不少 時程在講筵公驚曰子來見我乎子亦危矣程子曰 加定力耶公之善諭人如此 白禁品 孟

銀定四庫全書 尹舎人謫官均州時范文正公知鄧州舎人得疾即擅 憂耳程子曰領即南陽兄姊何所憂公悟曰正為定 遣人招文正甚逐既至舎人曰沐今日必死矣人言 去官指鄧州以後事屬文正文正日往視其疾一旦 力不固耳 只知履安地不知其危坐頃之公不言程子曰公有 将死者必見鬼神此言不可信法並無所見但覺風 不豫色何也公曰在維固無足道所慮者貼兄姊之

日榮陽之行已務自省察校量以自進益晚年嘗言十 ノこうし こよう 初范文正公貶饒州朝廷方治朋黨士大夫莫敢往別 息奄奄就盡耳隱几坐與文正語久之謂文正曰公 王侍制質獨扶病餞於國門大臣責之曰君長者何 病已稍勝前今次病疾全不動矣其自力如此 餘年前在楚州橋壞堕水中時猶覺心動數年前大 可出涂将逝矣文正出至廰事已閒其家哭文正竭 刀送其喪及妻孥歸洛陽 自警妈 疌

金岁日五百十 王待制公在相門弗驕弗華以貧為實文正作舎人時 償之公因閱家藏書而得真券召家人示之曰此前 家甚虚嘗貸人金以贍昆弟過期不入報所乗馬以 自陷朋黨王曰范公天下賢者顧質何敢望之若得 尚書時乞米於李大夫墨帖刻石以模之遍遺親友 為其黨人公之賜質厚矣間者為之縮頭 人清風吾輩當奉而不墜宜秘藏之又得顏曾公為 清亷

唐質肅公潭州一巨富私藏蚌胎為關吏所搜太守而 くこうえ 向文簡公判大理寺時沒入祖吉贓錢分賜法吏公引 **取文簡公仕至輔相而四海無田園居第沒未終喪家** 往在官一無所須以東清閒 下輕其估悉自售馬唐質肅公時以言事謫潭倅分 鍾離意委珠事獨不受知廣州至荆南惟市南樂以 用已屈其妻貸於王文正公家故天下稱其清 間其雅尚如此故終身不貪所至有水蘇聲). Li 自警漏 ŧ

曾中書公在官有所市易取買必以厚與買必以海 陳龍圖從易為館職數十年不遷居喪時士大夫有致 嚴收其直自入常三四十萬 公曰太守與民爭利者 門生故吏以幣交者 **賻者公不拒服除知廣州罷官不當南物獨載俸** 可乎罷之後至者亦不復取也 珠微發奏方入仁宗謂近侍曰唐介必不肯買案其 奏腹覽之果然 一無所受福州無職田歳鬻園

熙寧中洛陽以清徳為朝廷尊禮者大臣曰富鄭公侍 陳忠肅公為越州愈判蔡下為即待公甚厚每以公學 當受卒不取而歸之官廪 請將所得圭租遜前官明州以法當公得公以義不 識卓異待遇加禮而公已得其心術常欲跡遠之屢 得職田意公方貧必喜於少舒公到明遂伸尋醫之 錢過嶺半以償贈賻者半以班宗族之貧者 引疾尋醫章不得上會明倅闕祭仰公權攝以時當 自体品

荆公在上前爭論或為上所疑則曰臣之素行似不至 多片四月全書 廉恥欲行一事必須無為不善恐司馬端明邵先生 無廉恥如何不足信且論事當問事之是非利害如 者十餘人好學樂善有行義者幾二十人康節隱居 謝聘時相從忠厚之風聞於天下里中後生皆知畏 從曰司馬温公吕申公士大夫位卿監以清德早退 何豈可以素有廉恥刼人主使信已也夫廉心在常

太宗時王禹偁為學士嘗草繼遷制送馬五十匹以備 蘇丞相云平生薦舉不知幾何人惟益安序朝奉分寧 とこうしこにう 徒步謁禹偁愛其儒雅及別為買一馬或言買馬虧 濡潤禹偁以状不如式却之及出守滁州閩人鄭褒 外事乎 子所當為者如人守官曰我固不受贓不受贓豈分 人歲以雙井一斤為鉤知吾無赹直之入也 人足道岩君子更自矜其廉恥亦淺矣蓋廉恥自君 自豐誠

柴陽吕公文靖公之孫正獻公之長子更歷中外凡典 金月四月 月月 數日其在和州當作詩云除却借書沾酒外更無 皆恬然不以為怪也 時舎人院草制有送潤筆物稍後時者必遣院子詣 價者太宗曰彼能却繼遷五十匹顧肯此虧價哉近 事擾公私古人清白傳家如此 門催索而當送者往往不送相承既久今索者送者 五州晚居宿州真楊間十餘年衣食不給至絕糧者

後生少年乍到官守為猾吏所餌不自省察所得毫末 劉秘書丞家貧至無以給廿吉一毫不妄取於人其自 貂褥畫之固解强與之行及賴州悉封而返之於光 而吏人所盗不赀矣以此被重譴良可惜也 不受於他人可知矣 洛陽南歸時已十月無寒具光以衣襪一二事及儶 一任之間不復敢舉動大抵作官嗜利所得甚少 儉約 自警脑 里

韓忠獻公布衣時與李康靖公同遊止一種同寢一 王文康公方嚴簡重有大臣體常言人臣患不節儉令 客尤敬待韓公每公至即令設猪肉康清常有節戲 錢於壁上用盡即已其貧儉如此 深自抑損齊居蘇食泊如也 云久思肉味請君早訪及李康靖為長社每日懸百 居第多踰僭服玩奢侈僕妾無數宜有經制及貴顯 分途遂割而分之至汝州太守趙學士請康靖為門 0

范文正公既貴當以儉約率家人戒諸子曰吾貧時與 范文正公為吏部員外郎出守時有三婢及官大歷二 韓忠献公為河北轉運使王太夫人坐太平車以華席 府以至於薨凡十年不增一人亦未當易也 作一路使者其儉如此令人聞之誠可愧也 而得厚禄欲以養親親不在矣汝母又已早世吾所 汝母養吾親汝母躬執爨而吾親甘古未嘗充也令 為棚覆獻肅公來驢随車時王文正已貴忠獻公又 自然品

范忠宣公親族間有子弟請教於公公曰惟儉可以助 范文正公之子純仁娶婦将歸或傳婦以羅為惟慢者 金月四月五十十 廉惟恕可以成德其人書於坐隅終身佩服公平 自奉養無重肉不擇滋味簏糲每退自公易衣祖褐 最恨者忍令若曹饗富貴之樂也 率以為常自少至老自小官至達官始終如 得亂吾家法敢持至吾家當火於庭 公聞之不悦曰羅綺豈悼慢之物耶吾家素清儉安

范太史公作布食銘記云温國文正公所服之布象隸 府治命無以深衣而覆以是象公於物澹然無好惟 書百有十字曰景仁恵者端明殿學士范蜀公所贈 端之不止故其居處必有法動作必有禮其被服 於德義若利欲其清如水而澄之不已其直如矢而 **蜀公自許往訪之贈以是食先是高平公作布食銘** 以戒學者公爱其文義取而書於象之首及寢疾東 也曰堯夫銘者右僕射高平公所作也元豐中在洛

一致定四車全書 一 權之甘鄉布之温名教之樂德義之尊求之孔易享 子以儉為徳小人以侈喪驅然則斯象之恆其可忽 寧不然顏樂單食萬世師模紂居瓊臺死為獨夫君 難斯得禍辱旋臻取易捨難去危就安至愚且智士 其本末倬後世師公之儉云范太史集布象銘曰黎 随卷之士一室蕭然圖書盈几終日靜坐泊如也又 之常安綺繡之倉膏梁之珍權龍之威利欲之繁苦 以圓木為警枕小睡則枕轉而覺乃起讀書云云公序

張大節為相自奉養如為河陽掌書記時於親或規之 俸雖舉家錦衣玉食何患不能顧人之常情由儉入 所豈若吾居位去位身存身亡常如一日乎 存一旦異於今日家人習奢已久不能頓儉必致失 奢易由奢入儉難吾今日之俸豈能常有身豈能常 頗有公孫布被之議公宜少從衆公敦曰吾今日之 諸 曰公令受俸不少而自奉若此公雖自信清約外人 自營編

蘇丞相平生未嘗問家人有無晚年際會所得俸賜随 杜正献公食於家惟一麵一飯而已或美其儉公曰行 耶 名位爵禄國家奪之却為一措大又將何以自奉養 **弔哭者至其寝堂見其居處服用無不歎愕咨嗟以** 即散用其自奉養至儉薄每養不過一肉始薨之日 餘以給親族之貧者常恐浮食馬敢以自奉也一旦 一措大爾名位爵禄冠冕服用皆國家者俸入之

冠菜公初為櫃客直學士賞賜金帛甚厚乳母泣曰太 **茸或以公孫弘事斯之笑答曰彼訴我誠雖敢何憂** 雖出入将相所得俸禄惟務施與公外奢內儉無聲 富貴哉公聞之慟哭盡散金帛終身不蓄財産後 色之娱寝處一青幃二十餘年時時有破壞益命補 且不忍處之久而以散復棄也新者愧之 為寒素不岩也 夫人不幸時家貧求一嫌作家襚不可得豈知今日 自警病

陳文惠公居家以儉約為法雖已肯常使其子弟親執 金与四月日書 石徂徕為舉子時寓學於南都其固窮苦學世無比者 者亦介之願也但日饗之則可若止得一饗則明日 嵳 殿事 日孔子 固多能鄙事臨卒口占數十言自誌其 何以繼予朝饗膏粱暮厭粗糲人之常情也介所以 王侍郎聞其勤約因會客以盤養遺之石謝曰甘脆 不敢當賜便以食還王益重之

温公曰先公為郡收判官客至未當不置酒或三行或 とこうら こよう 日荣陽公在維楊時東萊公為曹官所居解舍無几家 非遠方珍異食非多品器四非滿紫不敢會賓友嘗 數而禮勤物簿而情厚近日士大夫家酒非內法果 五行不過七行酒沽於市果止梨栗豪柿有止於脯 其簡儉如此 醢菜羹器用凳漆當時士大夫皆然人不相非也會 以竹縛架上置書册器皿之屬悉不能具處之甚安 白攀编 艺

古人自奉簡約類非後人所能及如飲食高下固自有 李元衡儉說云與其貪養以招辱不若儉而守廉干請 放肆而逐欲不岩儉而安性 **各故不隨俗奢靡者鮮矣嗟乎風俗頹弊如是居位** 者雖不能禁忍助之乎 以犯義不若儉而全節侵牟以聚仇不若儉而養福 数日管聚然後敢發書尚或不然人爭非之以為鄙 制度諸侯無故不殺牛大夫無故不殺羊士無故不

6)·17.4 7.1. 1/ 迁叟曰世之人不以耳視而目食者鮮矣聞者駭曰何 虎頭燕頷食肉相也以此知古人以食肉為貴食肉 墨此言貴者方得食也莊子九方歅相子綦之子刖 殺犬豕此猶是極盛時制度也大抵古人得食肉者 至少如食肉之禄水皆與馬肉食者謀之肉食者無 為難得比之後人簡約甚矣 而獨之於齊適當渠公之術然身食肉而終班超者 謂也迁叟曰衣冠所以為容觀也稱體斯美矣世人 自警编

多少正成月雪 ,須是於一切世味淡薄方好不要有富貴相周恭叔 緑之以為盤案之玩豈非以目食者乎 微仲須做只是這漢俗謝上茶云為他有貴底相態 儘長進在昔聞明道先生一見吕徵仲便曰宰相吕 才高識明初言亦甚好後來只緣累太重若把得定 所以為味也適口斯善矣世人取集餌而刻鏤之朱 便有俗處王介甫在政事堂只喚魚羹飯因薦兩人 捨其所稱聞人所尚而慕之豈非以耳視者乎飲食

.... 應劉先主之聘宰割山河三分天下身都將相手握 重兵亦何求不得何欲不遂却與後主言成都有桑 耕南陽尚全性命於亂世不求聞達於諸侯後來雖 便不到得墜堕當爱孔明當漢末自言臣本布衣躬 輕便去住自在盖子謂堂高數仍食前方大侍妄數 百人我得志弗為也學者且先除去此等常自激昂 不行下殿便乞去云世間何處無魚羹飯為他縁累 八百株簿田一十五頃子弟衣食自有饒餘臣身在 了

鄧州花蠟燭名著天下雖京師不能造相傅云是冠菜 舎見厠溷問燭淚在地往往成堆杜祁公為人清儉 夜宴劇飲雖寢室亦燃燈燭達旦罷官去後人至官 有餘栗府有餘財以員陛下及卒果如其言如此輩 外別無調度不別治生以長尺寸岩死之日不使廪 公燭法公嘗知鄧州而自少年富貴不點油燈尤好 在官未嘗燃官燭油燈一 人真可謂大丈夫矣 | 娃熒然欲減與客相對清

金写四月月十

王沂公與孫沖同榜沖子京一日往解沂公相留云學 王文正公沖澹寡欲奉身儉約每見家人服飾似過即 食了去飭子弟云已留孫京喫飯安排饅頭饅頭時 瞑目曰吾門素風一至如此並令減損故家人或有 考終古菜公晚有南遷之禍遂殁不返雖其不幸亦 可以為戒也 衣稍華必於車中易之不敢令公見馬

談而已二公皆為名臣而奢儉不同如此然祁公壽

敏定四庫全書 吕文穆公為相一朝士家藏古鑑自言能照二百里因 之所難 服謂賢於李衛公遠矣盖寡好而不為物累者告賢 簡後截下紙其偷德如此 過標子大安用照二百里其弟遂不復敢言聞者獎 為威饌也食後合中送數軸簡紙開看皆是他人書 公弟獻以求知其弟何間從容言之公笑曰吾面不 無嗜好

|趙清獻公初任成都攜一龜一鶴以行其再任也屛去 孫侍讀公人當與一硯直三十千公曰硯有何異而如 有貨玉帶於王文正弟以呈文正文正曰如何弟曰甚 還之故生平所服止於賜帶 佳公命繫之曰還見否曰緊之安得自見文正曰自 曰一 **負重而使觀者稱好無乃勞乎我腰間不稱此物並** 此之價也客曰硯以石潤為賢此石呵之則水派公 日得一擔水纔直三錢買此何用竟不受

范文正公少貧悴依睢陽朱氏家常與一街者游會行 多定四庫全書 龜鶴止一蒼頭執事張公裕學士送以詩云馬諳舊 者病寫使人呼文正而告曰吾善鍊水銀為白金吾 餘年文正為諫官街者之子長呼而告之曰而父有 斤封誌納文正懷中文正方辭避而衔者已絕後十 兒幼不足以付今以付子即以其方與所成白金 路行来消龜放長河不共來 神術普之死也以汝尚幼故俾我收之今汝成立當

天聖中張文節在政府國封歲時入見莊獻母儀天下 意國封遂買二女奴首飾服用不啻三十餘萬一日 市妙年者因物國封器市二少與或丞相問但言吾 見其二侍婢老且恆怪其過自貶約對以丞相不許 也今出之亦無所歸固當終身於此耳若二妹當未 從客指旁侍二姬謂夫人曰此二姬乃夫人告之媵 文節歸第二婢拜於庭文節詢其所自國封具以告 以還汝出其方并白金授之封誌宛然

王荆公知制語吳夫人為買一妾荆公見之曰何物女 子曰夫人令執事左右曰汝誰氏曰妄之夫為軍大 瑜笄将嫁少年子向去之事固不可知若令守一老 **雇於人必當送府勘罪** 翁甚無謂也雖然太后聖慈垂憫然某之志豈可渝 将部米運舟失家貲盡沒猶不足又賣妾以償公愀 兄對之折券并衣著首飾與之仰為嫁資謂曰若更 也他日入見宜以此懇數奏遽召宅老呼二婢之父

欽定四庫全書

N.

然曰夫人用錢幾何得汝曰九十萬公呼其夫令為 獲已方受温公除知制語以不善作辭令屢辭免改 **亟遣之祠公知之對僚屬咨其賢判公温公不好色** 冀公一顧也妾如其言公訝曰夫人出汝安得至此 不爱官職不殖貨利皆同公除修注皆辭至六七不 疑有所思也一日教其妾侯我出汝自飾至書院中 原府通判尚未有子夫人為買一妾公殊不顧夫人 夫婦如初盡以錢賜之司馬温公從龐穎公辟為太

元城先生與僕言行已出處且曰紹聖初某謫領表既 嘴毯可以不死是以遂絕至於今更不復作且大丈 買園宅猶以關郎中為户故二公平生相善至議新 到嶺上北望中原慨然自念奉父母遺體而投炎荒 法不合始貽書絶交矣 恐不生還忽憶老先生語云北人在瘴煙之地唯絕 公通判太原時除給酒饋待賓客外輛不請晚居洛

敏定四庫全書

待制荆公官寖顯俸禄入門任諸弟取去盡不問温

蘇丞相言少時間計用章即中曰人主不宜有所好有 宦豈是不好事但看行己如何耳若仕官有益於社 歸去來即徑歸而王義之乃自誓於父母墳前且仕 澤而以清獻比右軍 稷生靈其勝獨善一身多矣盖先生之意欲自比彭 **卧其下而使父母具冠裳監視不亦瀆乎告陶潛賦** 臣欲絕然不能乃掛父母之遺像於即床中且已個 夫自誓不為則止耳何必用術也趙清獻亦本朝名

一致定四庫全書 杜祁公享各多用縣器客有百稱數者曰公常為宰相 嗜然也 騰驤豈可羈也然或豢養於人而可醢之者謂其有 敝於夸大矣豈惟人主學士大夫亦宜知之夫神龍 出而民告於刻核矣好聚紋則桑弘羊皇甫鎛之徒出 而民困於掊克矣好順從則張禹胡廣之徒出而民 之徒出而民殘於干戈矣好刑名則韓非張湯之徒 所好則心腹肝膽皆在人矣故好征戰則孫武白起 Ų

張子韶曰古人黙觀方寸孰偏孰正偏處舎之正處行 所不能及也 清貧乃爾耶公命侍人盡取白金熊器陳於前曰行 談正理深恐所見隨言散去其於行也必無力矣今 非乏此雅自不好耳然和公好施亦卒不蓄也張唐 之心在於正而情或居偏吾則痛檢其偏而不敢劇 公侍讀瓌曰祁公之好施人所能也其不妄施人之 謹言語 白醬点

胡文恭公為人清儉謹默內剛外和羣居笑語讙譁 王文正公與人寡言笑其語雖簡而能以理屈人默然 耳 以定 止顏色温温不動聲氣與人言必思而後對故其蒞 也亦必力岩夫終日譊譊者為善為惡多見其不終 (寡言者雖善惡未可知然使其為善必力其為 日莫能窺其際及奏事上前羣臣異同公徐

多分四月五十十

富鄭公年八十書座屏云守口如瓶防意如城 吕申 薛簡肅公知開封時明泰政鎬為府曹官簡肅待之甚 臣相也其後果至条知政事 厚直以公輔期之有問於公何以知其必貴者公曰 官臨事謹重不賴發發亦不可回止而其趣要歸於 其為人端肅其言簡而理盡凡人簡重則尊嚴此肯 仁厚 公寡言見康節必從容終日亦不過數言而已

一致定四庫全書 陳了新雜說云言滿天下無口過非謂不言也但不言 韓魏公言歐曾同事兩府歐性素福曾則齷齪每議事 元城先生因言及王荆公學問先生曰金陵亦非常 言此其所以無口過 言可否之二公旨伏 其粗行與老先生過以畧同其質樸儉素終身好學 至厲聲相攻不可解公一切不問俟其氣定徐以 人是非長短利害雖多言無害所謂終日言而未當 Į.

學者爾而諸人縣溢惡此人主所以不信而天下之 道是其一長也凡人有善有惡故人有毀有譽若不 衡論朱雲以為雲素好勇數犯法亡命受易頗有師 記漢時大臣於人主之前說人短長各以其實如匡 故攻金陵者只宜言其學平僻用之必亂天下則人 士至今疑之以其言不公故愈毀之而愈不信也當 稱其善而併以為惡而毀之則人必不信有是惡矣 不以官職為意是所同也但學有那正各欲行其所 白皙的

多定四犀全書 錢極家出守河橋詣王沂公為別公酌酒餞之錢 曰惟 夷考之無是事則舉凡言之不出於毀者亦不信矣 矣盖以其人素有徳行而天下之人素尊之而人主 演身列將相不為不重然朝廷每闕輔相議不在中 固位如李林甫姦邪如盧杞大佞如王莽則人不信 此進言者之大戒 主必信岩以為以財利結人主如桑弘羊禁人言以 韜晦 卷二

とこう見したう 杜正献公有門生為縣令者公戒之曰子之才器 日矣 誠能去其可畏之跡使人無所復畏登庸調化必有 用乃先於公者盖以縉紳之士畏公而不畏曾也公 演才識不沒實假遭逢相公科第文章数歷中外豈 看完室府僅已數年相公尚寄籍屏者何也錢曰惟 惟公憐之公答曰相公才用閥関豈曾所敢望然曾 惟演所敢侔哉公曰不然曾之才不及公而猥當柄 自警骗 ムナヤー

多安四月全書 杜正獻公常謂門生曰作官第一清畏無求人知尚欲 伸其志今子為縣令卷舒休戚緊之長吏良二千石 直亮忠信取重天下今反該某以此何也公曰行歷 中可也不然無益於事徒取禍耳門生曰公平生以 者固不易得若不見知子烏得以伸其志徒取禍耳 令不足施然切當韜晦無露圭角毀方瓦合求合於 予所以欲子毀方瓦合求合於中也 任多歷年久上為帝王所知次為朝野所信故得以

吕氏家塾記云章獻明肅之威文靖公拯救防徵杜漸 言得免若公者尚利國家雖舉世不知弗與辯也倘 非聖主親發徳音人誰知之豈比夫賤丈夫急己之 太后帝顧文靖公曰當時極臣欲點配嶺南賴公力 者非一未曾與人言天下亦莫知也仁宗既親政大 臣或言當無簾時有劉沒者當上章請歸政得罪於 足取禍耳但優游於其間點而行之無愧於心可也 人知同列不謹者衆必譖己為上者又不加明察適

火江四事不与 一

自警站

韓魏公曰内剛不可屈而外能處之以和者所濟多矣 吳文肅公子璟素以堅挺有氣節稱韓魏公亦稱之及 幕府有闕門下有以環為言者公曰此人氣雖壮 然包蓄不深發必暴且不中節當以此敢置而不用 其惟晦乎 毀譽而緩國之休戚哉 不踰年璟驳皆如其言 日以之遇則可以成功以之不遇則可以免禍者 1: 17

とこうこ 謝子與伊川別一年往見之伊川曰相別又一年做得 蘇丞相云歐公不言文章而喜談政事君誤不言政事 事只管要許耀别人耳目渾不管自家受用事有底 處伊川點頭便語在坐同志者曰此人為學切問近 點來病痛盡在這裏若按伏得這簡罪過方有向進 甚工夫謝子曰也只是去個於字曰何故曰仔細 思者也余問於字罪過何故恁地大謝子曰今人做 而喜論文章各不於其所長也)..... 白譽鍋

黄魯直曰人生血氣未定時不知早服仲尼之戒故其 任恭惠與吕許公同年進士而同為博士恭惠登問年 金にんとんるる 惠謝曰不晓養生之術但中年因讀文選有所悟爾 者康强許公時尚為相當所熟羨詢其服餌之法恭 謂石韞玉以山輝水含珠而川娟也許公深以為然 為甚恁地 人食前方丈便向人前喫只流食菜羹却去房裏喫 攝養

Rail Diet Links 安定胡先生判國子監其教育諸生皆有法每語諸生 客有語胡文定為國子先生日番禺有大商遣其子來 **斃馬偶其父至京師関而不責携其子謁胡先生告** 游息馬是亦食不語寝不言之遺意也 為本不可不留意斯事也 食飽未可據案或久坐皆於血氣有傷當習射投壺 壮也血氣當剛而不剛所以寒暑易侵耳學道以身 就學其子像岩所齎千金得病甚齊客于逆旅若將 自警編 大十

自じじしんべつ 悔第勉事業其人亦顏銳善學二三年登上第而歸 文則汝可以成名聖人不貴無過而貴改過無懷昔 **怡然懼伐性命之過甚悔痛自責冀可自新胡知其** 快書日汝讀是可以先知養生之術知養生之後可 洗心向道取聖賢之書次第讀之既通其義然後為 已悟召而誨之曰知爱身則可以脩身自今以始其 其故曰是宜先警其心而後誘之以道者也乃取一 以進學矣其子視其書乃黄帝素問也讀之未竟惴

蘭中隱士縣耕道當言修養之士當書月令置坐左右 くこうえ ここ 印堯夫居洛每歳春二月出四月天漸熟即止八月出 **然四時皆損人但冬夏二至陰陽交爭之時尤損人** 矣如草木萌生易於傷伐故當禁之不特節也且嗜 夏至宜節嗜然冬至宜禁嗜慾盖一陽初生其氣微 平馬永卿曰不獨月令如此唐柳公年八十有强力 以元氣佐喜怒此亦可為座右銘也耕道曰然 問其術對曰吾平生未嘗以脾胃熟生物暖冷物 白酱锅

韓魏公在相府時家有女樂二十餘輩及崔夫人亡一 李畋苦病既瘳請謁公曰子於病中曾得移心法對曰 為過人遠矣 十月天渐寒即止故有詩云時有四不出大風大雨 日盡厚遣之同列多勸且留以為暮年歡公日所樂 能幾何而常令人心勞孰若吾簡靜之樂也識者以 **承也公曰人能於病中移其心如對君父畏之謹之** 大暑大寒也

察文忠公喜酒飲量過人既登第通判濟州日飲醇时 靜久自愈 皆至醉 選慈母年高鶴髮垂君龍母恩俱未報酒如成病悔 存道先生過濟文忠館之數日先生爱文忠之賢慮 其以酒廢學生疾乃為詩示文忠曰聖君恩重龍頭 何追文忠矍然起謝之自是非親客不對飲終身未 往往至醉是時太夫人年已髙頗憂之一日山東賈

|到近四庫全書 陳貴一問人之壽數可以力移否伊川先生曰盖有之 伊川先生謂張繹曰吾受氣甚薄三十而寖盛四十五 十而後完今生七十二年矣校其筋骨於盛年無損 周能過歷泰止二世之說誠有此理 般分明人力可以勝造化自是人不為耳故關朗有 命養形而至於長生學而至於聖人此三事工夫 唐棣問如今人有養形者是否曰然但甚難世間有 三件事至難可以奪造化之力為國而至於祈天永

太宗下詔召天下年高前青州録事祭軍麻布夢年九 **攝生之理希夢對曰臣無他術惟是少情寡慾節聲** 坐與語極從容因歷訪民間利病多見采納復問以 十餘致仕歸鄉里本州奏閒召至闕庭上御便殷賜 子默然曰吾以忘生徇欲為深恥 無補矣繹曰先生豈以受氣之薄而厚為保生耶夫 也又曰人待老而求保生是猶貧而後畜積雖勤亦 〕薄滋味上嘉之賜金紫致仕

銀定四庫全書 陳忠肅公有科餘酒量每飲不過五爵雖會親戚間有 吕荣陽公為人處事皆有長久計求方便之道只如病 事每如是也 牌子如飲食衣服寒熱之類及常所服樂常所作事 者既不能咨適足增苦故滎陽公常教人每事作 散適不過大白滿引恐以長飲廢事每日有定課自 病者取牌子以示人則可減大半之苦凡公為人處 中風人口不能言手不能書而養疾者乃問所欲病

明道先生語録問神優之說有諸曰若說白日飛昇之 或問公何不呼唤使者公曰起止不常若涉寒暑則 有此理也又問揚子言聖人不師僊厥衔異也聖人 鷄鳴而起終日寫閱不離小齊倦則就枕既寤即與 之譬如一 **顟則無若言居山林間保形鍊氣以延年益壽則有** 必動其念此非可常之道偶吾性安之不欲勞人也 不肯偃仰枕上每夜必置行燈於床側自提就案人 - 1 爐火置之風中則易過置之客室則難過 自警局 +5

陳文恵公見動物必戒左右勿殺器服壞随鄉補之曰 曹武惠王國朝名將熟業之盛無與為比當曰自吾為 多分四周全書 屋敞子弟請加修葺公曰時方大冬墙壁瓦石之間 機安能延年使聖人肯為周孔為之矣 百蟲所蟄不可傷其生其仁心爱物盖如此 将殺人多矣然未嘗以私喜怒輒戮一人其所居堂 能為此等事否曰此是天地間一賊岩非竊造化之 好生

二宋非角之年同於醫舎肄業有胡僧見而謂曰小宋 時若能活數百萬命者大宋笑曰貧儒何力及是僧 乃笑而言曰旬日前所居堂下有蟻穴為暴雨所侵 復遇僧於壓邸僧執大宋手而驚曰公風神頓異告 曰不然肖翹之物皆命也公武思之大宋倪思良久 無使不全以見棄也 他日當魁天下大宋亦不失甲科後十餘年春試罷 蟻繚繞穴傍吾乃戲編竹為橋以渡之由是蟻命

多分四库全書 兄乃以大宋為第一小宋為第十始信僧言不妄 唱第小宋果中首選章獻太后當朝謂不可以弟先 出小宋之下二宋私相語曰妄也一歲固無兩魁比 獲全得非此乎曰是也小宋今歲固當首捷然公不 自磐編卷二